

पुर्खा दयक तकगु सम्पत्ति, भीगु कला व संस्कृति
पिकाक-भक्तपुर नगरपालिका



नेपाल संवत् १९४१ दिलागा / २०७८ साउन १५ / 2021 July/ ल्या: ४०, दाँ:३



बागमती प्रदेशया मुख्य मन्त्री डोरमणि पौडेल
ख्वप नगरपालिकाय्

रानीपूखुया दक्षिण पाखय्या ह्वाड ह्वाड फल्चा निस्वान
(२०७८ साउन ९ गते)



नगर प्रमुख प्रजापति जु भाज्या पूखुली दय्क च्वंगु जलेश्वर महाघोया
देग: दांथाय स्व: माल (२०७८ साउन ९ गते)



; DkfbSlo

@&* ; fpg !%, c^a\$ ^^, j if{#

न्हँहा सरकारं स्वास्थ्य उपचार विय् फै मखु

के.पी ओलीया सरकार क्वः थयो सर्वोच्च अदालतया परमादेशं निस्वांगु शेर बहादुर देउवाया सरकारं अः तक पूर्णता बिय मफः नि । हलिमय महामारीकाथं डाडः पुडः वयो च्वंगु कोरोना भ्वल्वय पाडः तय्गुयां गना गना भन भन डाडः पुडः महामारी काथं छ्यडः वयो च्वंगु दः । थजगु इलय् स्वास्थ्य थजगु तस्कं महत्वपूर्ण मन्त्रालयसं सः स्यू म्हा जिम्मेवार मन्त्री नियुक्त याय मफूगु तस्कं दुःखया खाँ खः ।

चितवनय् कार्यालय् सहायकं ल्वगित जाँचय् याडः च्वंगु क्रिया अन्नपूर्ण पोष्ट न्हिपौया साउन ११ गतेया अड्क खय् पिथाना । उखुनं हे चैन अस्पतालया लगानीकर्ताता हे स्वास्थ्य मन्त्रालयया जिम्मा छ्यो तयो 'नयाँ पत्रिकां' बुखाँ पिथान । थव नेगू न्हिपौया छ्यो खं नेपः या स्वास्थ्यया पहः थुइकय्ता थाकु मजु ।

हलिमय तस्कं ख्याडः च्वंगु कोरोना भ्वल्वय नेपालय् थौ तक खय् गुद्व व च्यास व न्हय् नेम्हा (९८७२) म्हा सिनं स्वयो अपः मनू तय्सं प्राण त्वः तय् धुंकल । अजनं गुलि मनुत अकालं सीगु तिनी जुई । धाय् थाकु । छाय् धःसा देउवाया न्हय्लुवाया सरकार स्वास्थ्य लागाय् भ्याभाति हे क्व मसःगु खाँ स्वास्थ्य राज्यमन्त्री नियुक्त ज्या खं जनतां थुइकय् धुंकल ।

कोरोनाया स्वंगूगु लहर वल दक बय बय जुयो च्वंगु दः । अः दकले ग्यापुकः मचातय्ता थुगु ल्वकं कइगु थी थी अध्ययनं क्यडः च्वंगु दः । नेपालय् हिं न्यदानिसें हिं च्यादाया मचात थयं मथयं डय्गू लाख स्वयो अपः दः । उकिया लागिं छगू करोड स्वयो अपः दज खोप मालिगु खाँ विज्ञापिसं धायो च्वंगु दः । स्वास्थ्य मन्त्रालयं खुडगु लाख डोज खोप न्यायया लागिं ज्या हछ्याडागु धः सां विश्व बैंक पाखं खोप न्याय्ता दक त्याय्काय् धःगु धेबाया सम्भौता याय् मधुनि जक धायो च्वंगुलीं व जुहे जुइ धाय्गु छुं नं निश्चित मरु । जीवन स्वाकः तय्गु धाय्गु स्वयो तः हांगु ज्या थुगु इलय् मेगु छुं हे मरु धाय्गु थुइकय्मः । उकीं सरकारं खोप न्याय्ता विश्व बैंकया भरय् च्वनय्गु स्वयो विकास निर्माणया बजेट कटेयाडः जूसां खोप न्याय्गु ज्या हज्याकय्गु बुद्धिमानी जुई ।

स्वास्थ्य मन्त्रालयया धापुं काथं ६० प्रतिशत नागरिकपिसं खोप काय धुडानिं तिनी कोरोना पाखं सुरक्षित जुय फै धायो तःगु दः अलय् नेपालय् अः तक खय् ७ प्रतिशतं जक खोप काय धुंकगु धायो च्वंगु दः । अथेजुगुलिं सरकारं फछिंफक्व मथां हे खोप वियगु ज्या हज्याकय्गुली बिचः मयासैं मगा ।

स्वंगूगु लहरता बिचः याडः स्वास्थ्य पूर्वाधारत दय्क च्वंगु उली खानय्मरु सां गुली खः ला खः घाय्थें जक याडः च्वंगु दः । देशय् दुनयँ दःगु सरकारी अस्पतालय् मः काथंया स्वास्थ्य उपकरणत नपां दक्ष जनशक्ति बियगु पाखय् सरकारं ध्यान मतसिं मगा । कोरोनाया नेकगु लहरया इलय् अक्सिजन, भेन्टिलेटर व आइसियू बेडत म्हवँ जुयो अपलं मनुत कोरोनां सीगु धाथेंगु खाँ सकल नेपः सि पिसं मस्यूगु मखु । अथेजुगुलिं स्वकगु लहरं मथिइकः च्वनय्ता मः काथंया भेन्टिलेटर, अक्सिजन प्लान्ट, आइसियू व एचडियूया ब्यवस्था नपां उगु उपकरणत छ्यलय् सःपुं दक्ष जनशक्ति ब्वलांकः छ्वयगुलि सरकारं ध्यान वियमः । कोरोना नपां ल्वाडः स्वाय्ता स्वास्थ्य मान्यताकाथं कडायाडः लागु याय्ता सरकार लिफिलिफी च्वनय् मज्यु ।

पिकाक-ख्वप नगरपालिका/सम्पादक-आशाकुमार चिकिबञ्जार, डेस्कटप-धन लक्ष्मी त्यात, आवरण सज्जा-रेणु ध्वजु, थाक्- भक्तपुर अफसेट प्रिन्टर्स फोन ल्याः ०१-६६९३०४३, ई-मेल- khwopapau@gmail.com



का. रोहित

चीन यात्रा सं का. रोहितया लुमन्ति

‘फिंगफंग कमकर स्वास्थ्य निवास’

थाना पूर्वी व पश्चिमी नेगू काथंया वास याई । फिजियो थेरापी, (प्राकृतिक) पुलां पुलांगु चिनियाँ उपचारत गथेकी चँच्यू (मूलं तिङ्गु) मेडिटेशन (पूर्ण आराम वा ध्यान) बाहेकं थाना पश्चिमी काथंया वासया न्हँ न्हँगु उपचार नं याई ।

थुगु स्वास्थ्य निवासय् नेस व डय्गू शय्या दः । स्वास्थ्य निवासया प्रशासन उपचार प्रयोगशाला, रसायन (ल्याव) थी थी विभागय् ज्या सानिपुं मुक्कं स्टाफतय्गु ल्या सत्याम्हा (१५०) स्वयो अपः दः । सन १९५९ तक खय् थुगु स्वास्थ्य निवासं १९३७ म्हा ल्वगि पिन्ता लांकः छ्वय् धुंकलसा खुद्द व डासम्हा मजदुरपुं थाना वयो आराम कायो वानय् धुंकल ।

क्रान्तिया इलय् थुगु थासय् च्याड काई शेक्या गृष्मकालीन (तः नुङ्गु इलय् च्वँ वैगु) दरबार दय्केता फुक्क मालसामानत ह्यो ताय् तःगु खः । शांघाइया मजदुर (ज्यामि) पिसं हाङ्गु चाउता मुक्त (स्वतन्त्र) याय धुडानिं १९५४ अगष्टय् शांघाई मजदुर युनियनं स्वास्थ्य निवास दानय्गु ज्या न्ह्याकः १९५५ अगष्ट महिनाय् दानय् धुंकल ।

पाहाँपिन्ता लसकुस याङ्गु सत्कार बैठक न्हँगु काथंया ताय्का । जिमिता स्वास्थ्य निवासया अधिकारीं लसकुस याड दिल । खँल्हाबँल्हाया इवलय् जिमिगु स्वास्थ्य निवास (I.U.S sanatorium) या विषयलय् नं न्यङ्गु दिल ।

थःगु खँल्हाय्गु इवलय् वयकलं धायो दिल - क्रान्ति स्वयो हाँ मजदुरपिन्ता स्वास्थ्य सम्बन्धी थजगु छुं हे सुविधा मरु । उब्ले ज्यासलय् ज्यासाँसां सुं मनू विरामी जूसा व घःप जूसां ज्याखं हे लिकायो छ्वैगु । अलय् अः क्रान्तिया लिपाया सरकारं ज्यामि (मजदुर) पिनिगु स्वास्थ्यया विषय अपलं बिचः याडस्वैगु यासँ विरामी जूसा, छुं काथं घःप जुयो दुर्घटना जूसा धेबा म्वाय्कः वास याई । अलय् भत्ता नं बिई । देशय् समाजवादया न्हँपां न्हपांया पला छिबलय् हे थजगु सहूलियत (ग्वाहाली) दयो मजदुर पिनिगु मन तस्कं चं चं धायो उत्साहित जुयो ज्या सान अलय् अः लिपा लिपा

२० जुलाई सुथसिया ८:३० ताइलय् जिपुं च्वड वाडागु मोटर फिंगफंग कमकर स्वास्थ्य निवासय् बेतोडं ब्वाकय् यंकल । मोटरय् च्वँ च्वँ हाङ्गु चाउया बां बांलागु प्राकृतिक कृतिम ‘लू’ त स्व स्वं पहाड व जङ्गलया नागबेली लाँचां न्याकुं कायो वाँ वाँ शांघाई मजदुर संघया फिंगफांग सांग कमकर स्वास्थ्य निवासय् थ्यन । उगु स्वास्थ्य निवास पश्चिमी भीलया दक्षिण पाखय्या छगू पहाडय् दाड तःगु खः । स्वास्थ्य निवास तस्कं बांलागु थासय् दय्कः तःगु खः । उगु स्वास्थ्य निवासया प्यखेरं स्वमा, सिमा पिडः वाउँसे च्वंकः तस्क. हायँपुक बांलाक तयो तःगु खः । थुगु स्वास्थ्य निवासया हः नयया चुकय् फोहरां नाः था थ्यंक म्हुक तःगु व आना छाय्पियो तःगु छगू लू स्वय बलय् त्यानुगु व आय्बुगु अलय् थाकुक वानिगु थाकु पहः हे ताड वानिगु काथं, मन हे याउँसे च्वनिगु काथं दय्कः तःगु दः ।

क्रान्तिया इलय् थुगु थासय् च्याड काई शेक्या गृष्मकालीन (तः नुङ्गु इलय् च्वँ वैगु) दरबार दय्केता फुक्क मालसामानत ह्यो ताय् तःगु खः । शांघाइया मजदुर (ज्यामि) पिसं हाङ्गु चाउता मुक्त (स्वतन्त्र) याय धुडानिं १९५४ अगष्टय् शांघाई मजदुर युनियनं स्वास्थ्य निवास दानय्गु ज्या न्ह्याकः १९५५ अगष्ट महिनाय् दानय् धुंकल । अपरेटिश, ब्रोन्काइटिश, आम हार्डप्रोटेसन, नभूसडिजिज थजगु थी थी ल्वयया उपचार थाना जुई । थुगु स्वास्थ्य निवासं ७६०० वर्ग मिटर त्यल च्वंगु दः ।

खुडखुगूगू स्वप पौ, बःछि पौ(पाक्षिक)

श्व स्वयो नं अभ्र बांलाक यंकय् फय्केता थमनं ज्या याडागुया ज्यालां चन्दा नं बिल ।

“वांगु दायँतक हिंगुसः व स्वीन्ह्यम्हा ल्वगि पुं व खुद्व व डासः आराम काय्ता व :पुं मजदुर पिनिगु सेवा याय् धुन । थुगुसी

क्रान्ति स्वयो हौं मजदुरपिन्ता स्वास्थ्य सम्बन्धी थजगु छुं हे सुविधा मरु । उब्ले ज्यासलय् ज्यासाँसां सुं मनु विरामी जूसा व घःप जूसां ज्याखं हे लिकायो छवैगु । अलय् अः क्रान्तिया लिपाया सरकारं ज्यामि (मजदुर) पिनिगु स्वास्थ्यया विषय अपलं बिचः याडस्वैगु यासँ विरामी जूसा, छुं काथं घःप जुयो दुर्घटना जूसा धेबा म्वाय्कः वास याई । अलय् भत्ता नं बिई ।


नं ता हाकगु ब्वाकः वानय्गु ज्या खय् ब्वति कायो (थाकुक ज्या साड) व पुं हिंन्यद्व ज्यामित आराम याय्ता थाना वै । थजगु सहूलियतया व्यवस्था मिसाज्यामि (महिला मजदुर) पिन्ता नं उथिं ग्यंकहे दै । खुम्हा मचात बुइकम्हा छम्हा मिसाम्हा ज्यामिता ज्यासलं (कारखाना) हे लिकायो छवता । क्रान्ति हौं ज्या सानय् मफपुं व मचाबुपुं मिसा ज्यामि पिन्ता छुं छुं हे सहूलियत मरु बरु ज्याखं हे लिकायो छवैगु अः क्रान्ति लिपा खुम्हा मचाया मां जुय धुंकाः नं मचा बुइकसा डय्खुन्हुया मचाबु विदा (सुत्केरी विदा) बिई । वयागु स्वास्थ्य बांलाडानिं तिनि ज्याखय् छवै अलय् विदाय् च्वनिबलय् भत्ता नं बिई । थाना आराम यो वइपुं, उपचार यो वइपुं मजदुरत उपचार काय धुंक आराम जुइकः नेगू प्यंगू किलो अपः दय्क ल्हवंकः वानी । स्वास्थ्य निवासया गुगः बस दः । उगु बसं मजदुरपिन्ता धेबा मकसिं ल्हययो है । अः हाडगचाउखय्जक मजदुरपिनिगु प्यंगू स्वास्थ्य निवास व नेगू आराम निवास दः । उकी १२०० शय्या स्वयो अप दः । पार्टी व सरकारं जनताया स्वास्थ्यखय् अपलं ध्यान बियो च्वंगु दः । गुकिं याड सरकार व युनियनं न्ह्याक च्वंगु मुक्कं स्वास्थ्य निवास हाडगचाउलय्जक नीन्गू दः ।

स्वास्थ्य निवासया विषय अधिकारी जू पाखं न्यनय् धुंकः जिमिता मतिवांगु खाँ वयककय् न्यडाअथेसा फुक्कं काथया ज्यामिपिसं उथिंयंकः सहूलियत काय् फै ला ? धायाबलय् वयकलं लिस बियो दिल - ‘मजदुर नियम काथं च्यादा तक ज्या सानय् धुपुं ज्यामितय्ता धेबा म्वाय्कः उपचार याईसा च्यादा स्वयो म्हवँ जक ज्या सांपुं ज्यामितय्ता नियम काथं ६० निसे सतप्रतिशत तक धेबा म्वाय्क वास याई ।

अधिकारी जू नपां या छलफल लिपा जिपुं स्वास्थ्य विभागया

हरेक थासय् वाड स्वःवाडा । स्वास्थ्य निवास धात्थें हे तस्कं बांलागु नपां व्यवस्थित जू । जिमिगु स्वास्थ्यनिवास (अन्तर्राष्ट्रिय युवक विद्यार्थी स्वास्थ्य निवास) य् मरुगु नाखं याइगु पानी –उपचार व मेमेगु काथया उपचार याइगु विभागत नं स्वया ।

उपचार व आराम यो भःपुं मजदुरत नपां नं न्यनय् कानय् याडा । अपुं गुम्हां उत्तरं वपुं खः सा गुम्हां दक्षिणं व पुं जुयो च्वना । आना चीन देया कुं कुलामय् च्वंगु इस्पात, न्याँ, लकां, कापः थी थी कारखानाय् नं वःपुं मजदुरत दःगु जुयो च्वना । वयकपुं गुम्हां आराम कायो च्वंसा गुम्हां पत्रिका (न्हिपौ) स्वयो च्वना । गुम्हां चेस म्हेत च्वंगु दः सा, गुम्हा हाडगचाउया ल्ववाना पुसे च्वंगु लू त स्वयो मन लय्ताय्क च्वना । स्वास्थ्य निवासया स्टाफपुं धः सा थः थः गु ज्याखय् हे लिई मलाक जुयो च्वंगु दः ।



फुक्क विभागत स्वय धुंकः तस्कं बांलागु फिंगफंग स्वास्थ्य निवासया अधिकारीपिन्ता सुभाय देछायो बिदा फ्वडः जिपुं मोटरं ल्याहाँ वया । मोटर मेगु ज्या इवःया लागिं न्ह्यात ।

सर्वोच्चया फैसलां : व्यवस्थापिकाता लाहावात

विवेक

प्रजातान्त्रिक देशय् राज्यया स्वंगू अङ्गत कार्यपालिका, व्यवस्थापिका व न्यायपालिकाया अधिकार छथायसं वा छंगुं तुं अङ्गय् तय् मज्यगु मान्यता तयो तःगु दः । व फुक्क वा नेगूया अधिकार छथायसं वा छंगुं तुं अङ्गय् तुं तयगुयाःसा निरंकुशता ब्वलानय् फः । अथेजगुलिं प्रजातान्त्रिक देशय्

राज्यया छुं नं अंगं थःगु अधिकार हाचां गायो ज्या सान धःसा संतुलन व नियन्त्रणया सिद्धान्त ल्वाक बाक ज्याई । अलय् राज्यदुनयँ तस्कं काथं मछिगु वेथितित खानय् है ।

शक्ति पृथकीकरण या सिद्धान्तया लिधंसाय् राज्यया स्वंगू अङ्गया अधिकार बिस्कं-बिस्कं अधिकार क्वः छिड तःगु दः । उगु अङ्गता छखयलिइक तःगु क्षेत्राधिकार दुनय च्वडः ज्या सानयता स्वतन्त्र जुई, अलय् छम्हासीं मेम्हासिया अधिकार लाकः, क्वत्यलय् काय् दै मखु । व्यवस्थापिकां कानुन दय्किगु उकिया (ज्या छ्यलय्गु) कार्यान्वयन कार्यपालिकां याई सा न्यायपालिकां उकिया परीक्षण याय्गु, सन्तुलन व पाडः तयगुया आधारय् उगु अङ्गत न्ह्याकः च्वंगु दै ।

राज्यया छुं नं अंगं थःगु अधिकार हाचां गायो ज्या सान धःसा संतुलन व नियन्त्रणया सिद्धान्त ल्वाक बाक ज्याई । अलय् राज्यदुनयँ तस्कं काथं मछिगु वेथितित खानय् दै । संसद लिफ्याड हःगु (पुनःस्थापना) व प्रधानमन्त्री ल्यय्गु ज्या सर्वोच्च अदालतया लिपांगु फैसलां थुं किया विषय सोचय् याय्गु बाध्य याकगु दः ।

संसदीय व्यवस्था (पाय्छी मजुल) असफल जुलः

बेलायत देशता संसदीय प्रजातन्त्रया मां (जननी) धाई । संसदीय प्रजातन्त्रखय्

(संसदीय सर्वोच्चता) संसदता च्वय् तै । छगू धापु दः । बेलायतया संसदं मिसा म्हासिता मिजंम्हा अलय् मिजंम्हासिता मिसाम्हा जक याय् फै मखु व बाहेक मेगु फुकं हे याय् फै ।' नेपालं नं २०४६ साल निसें संसदीय प्रजातन्त्रया अभ्यासयाड वयो च्वंगु खः । जनतां थःपुं प्रतिनिधिपिसं मखुगु ज्या याइ मखु धाय्गु मान्यताकाथं नं संसदीय सर्वोच्चताता मानय याडः वयो च्वंगु खः । २०७८ असार २८ गतेया सर्वोच्च अदालतया फैसलां थुगु मान्यताया हांगः चफूड बिल । संविधानया ब्याख्या याय्गु नामयँ संसदया अधिकार नपां अदालतं लाकः छ्यलः बिल । नेपः या संविधानया धारा ७६ य् प्रधानमन्त्री ल्यय्गु ज्या इवः (प्रक्रिया) न्हिथाडः तःगु दः । संवैधानिक प्रकृया काथं व्यवस्थापिकाया

नेपालं नं २०४६ साल निसें संसदीय प्रजातन्त्रया अभ्यासयाड वयो च्वंगु खः । जनतां थःपुं प्रतिनिधिपिसं मखुगु ज्या याइ मखु धाय्गु मान्यताकाथं नं संसदीय सर्वोच्चताता मानय याडः वयो च्वंगु खः ।

सिफारिसय् राष्ट्रपति, प्रधानमन्त्री ल्यई । अलय् सर्वोच्च अदालतं नेन्हूया दुनयँ 'शेरबहादुर देउवा ता प्रधानमन्त्री यो' दक राष्ट्रपति कार्यालय व प्रतिनिधि सभाया नामयँ परमादेश जारी याता । थुगु परमादेश तयंक हे व्यवस्थापिकाया अधिकार न्यायपालिकां लाककायो आक्रमण यागु खः । थुकी संसद दकलय् च्वय धाय्गु खाँ मखय्क ब्यगु दः । अलय् न्यायपालिका दकलय् च्वय धाय्गु क्यन । घटना स्व-स्व वानय बलय नेपालय बेलायती पहः या प्रजातन्त्र (वेस्ट मिनिस्टर प्रणाली) पाय्छी मजुगु सावित यात ।

राजनैतिक दलया अधिकारय् कंकुः

दलीय व्यवस्थाय् थःपुं कार्यकर्तातय्ता अनुशासनय् तय्ता थः थःगु पार्टीया बिस्कं बिस्कं विधान दय्कः तःगु दै । विधान हाचां गायो वानिपिन्ता पार्टी कार्वाही याय् फै । व पार्टी थः कय् हे दैगु अधिकार खः । निर्वाचनय् ब्वति काइगुलिं संसद दुनयँ च्वडः च्वंतलय् फुक्क राजनैतिक दलं राजनैतिक दल सम्बन्धी ऐन नं डालः कायो च्वनय् मः । दलया व्हिप हाचां गायो जुइपुं पार्टीया दुजः (संसद) पिन्ता साधारण दुजः नपां मखय्कः कार्वाही याय् फः अलय् अथे कार्वाहीखय् लापुं न्ह्याम्हा नं दुजः

(संसद) पिनिगु पद नं स्वतः हे मदैगु दक राजनैतिक दल सम्बन्धी ऐनय् व्यवस्था याडः तःगु दः । अथेनं सर्वोच्चया फैसलां राजनैतिक दलय् दुथ्यागु उगु अधिकार नं लाकः काल । फैसलाखय् च्वयो तःगु दः । संविधानया धारा ७६(५) काथं प्रधानमन्त्री ल्यय्गु प्रयोजनया लागिं विश्वास प्वंकगु वा समर्थन यागु कारणं राजनैतिक दल सम्बन्धी ऐन २०७३ काथं दल त्याग सम्बन्धी कार्वाही याय मछिगुलिं उगु प्रावधान काथं प्रधानमन्त्री ल्यय्गु सन्दर्भय् प्रतिनिधि सभाया सुनं दुजः ता विश्वास प्वंकगु, समर्थन यागु, थः गु

दलया व्हिप हाचां गायो जुइपुं पार्टीया दुजः (संसद) पिन्ता साधारण दुजः नपां मखय्कः कार्वाही याय् फः अलय् अथे कार्वाहीखय् लापुं न्ह्याम्हा नं दुजः (संसद) पिनिगु पद नं स्वतः हे मदैगु दक राजनैतिक दल सम्बन्धी ऐनय् व्यवस्था याडः तःगु दः ।

(मति) अभिमत व धारणा प्वंकगु वा मतदान यागु खँयाता कायो प्रतिनिधि सभासं सुनं दुजः पिन्ता दल त्याग सम्बन्धी कार्वाही याय् मते धायो प्रतिषेधया आदेश जारी यागु जुई ।

अदालतं दलया क्षेत्राधिकार दुनयँ द्वहँ वाडः राजनीतिक स्वेच्छाचारी विषय नुवाय्गु बांलागु खाँ मखु । थुकीं राजनैतिक दलया सांसद पिन्ता स्वेच्छाचारी दय्केगु नपां देशय् अराजकता थानिगु सम्भावना यक्व हे खानय् दः ।

संविधानया धारा ७६ (५) या ब्याख्यां अः या इलय् प्रतिनिधि सभाय् दलमरुगु ई काथं पिब्वल । दलीय ब्यवस्थाय् संसद दुनयँ दलमरुगु (दलबिहीनता) काथं म्हागसय् तकहे म्हांकय् मछीं । अथेनं अदालतं अथे नुवाडः बिल । सांसदपिसं न्ह्याम्हासिता हे भोत ब्यूसां जानाजानी व्हिप हाचां गायो जूसां नं पार्टीं छुं नं कार्वाही याय् मरु दक दल पिनिगु लाहातुती चिडः बिल । थव एमालेता जक मखु फुक्क दलता थःगु कबुजय तःगु खः । नियन्त्रणाय् तःगु खः । अदालतं दलया क्षेत्राधिकार दुनयँ द्वहँ वाडः राजनीतिक स्वेच्छाचारी विषय नुवाय्गु बांलागु खाँ मखु । थुकीं राजनैतिक दलया सांसद पिन्ता स्वेच्छाचारी दय्केगु नपां देशय् अराजकता थानिगु सम्भावना यक्व हे खानय् दः । सांसद न्याय मियगुज्या याता प्रोत्साहित यागु दः । उकीं थव प्रजातन्त्रया अखः खः ।

राजनैतिक अजैतिकता

राजनैतिक दलत विचार व सिद्धान्तनपां नैतिकताया लिधांसाय् नं हज्याइगु खः । न्ह्याक्व हे तः हांगु व बल्लागु जूसां नैतिकता त्वः त जूसा जनताया दश्वी वाड ज्या सानयँ थाकुई । छगू दलं त्याकः वांम्हा

सांसदं उगु दलता आस्था तैपुं मतदाता पिनिगु भावनाता न्वडः हज्यागु जुई । मतदाताया भावनाता न्वडः हज्याड च्वंगु जुई । मतदाताया भावनाया अखः वानय्गु धाय्गु अनैतिकता, बेइमानी व विश्वासघाती जुई । अजपुं मनु व संस्था क्वः दुडुः वानिगु पक्का खः । माधव कुमार नेपाल व वयाय्गु गुट एमालेया सुर्य चिं कायो त्याकपुं खः । वहे सांसद पिसं थःपुं सरकारता क्वः थय्ता विपक्षी दलया नेता नेपाली कांग्रेसया शेरबहादुर देउवाता प्रधानमन्त्री दय्केता समर्थन याड हस्ताक्षर (सही छाप) याता । अदालतय् थयंकः वाडः थःगु हे दलया विरुद्धय मुद्दा तला । अभ्र देउवाता विश्वासया मत बियगु खाँ क्वः छिता । थव छु अनैतिकताया हद मखुला ? थः गु दल चित्त बुझ्य मज्जसा पार्टीं त्वःत वानय् फै । पार्टींतछ्याड मेगु हे

राजनैतिक दलत विचार व सिद्धान्तनपां नैतिकताया लिधांसाय् नं हज्याइगु खः । न्ह्याक्व हे तः हांगु व बल्लागु जूसां नैतिकता त्वः त जूसा जनताया दश्वी वाड ज्या सानयँ थाकुई ।

पार्टीं दय्के फै । शत्रु नपां मिलय् जुयो शत्रुता तर्व(तरबार) लः ल्हाडः थःगु दल क्वः थय्ता 'विभिषण' जुयो ईख(स्वार्थ) या लागिं विष त्वनिगु तः हांगु अपराध खः । व अलय् वयागु गुटं एमालेया विरुद्धय जक मखु देशय् दक्व राजनैतिक दल, प्रधानमन्त्री व राष्ट्रपतिया अधिकारनपां खदालतय् लः ल्हाय यंकय्गु अपराध याता । पलख वाता व वयागु गुटया नेम्हा प्यम्हा मनु दुई तिहाइ बहुमतया सरकार क्वः थयो तस्कं लयतायो च्वंगु दै अथेनं प्रजातान्त्रिक अधिकारया विरुद्ध यागु उगु अपराधया कारणं गुब्लें मलानिगु नुगःघः गुब्लें हुयो मवानिगु कलंक या चें छुक तः म्हा थें व मजुइ हे मखु । जुजु या

तुतिपालिखय् दां छायो अलय् 'प्रतिगमन बच्छी ल्हवनय् धुकल' धायो जुजुया सरकारय् दुश्याक वांगु दागः हुय मलानि बलय् हकनं थुगु पलां वाय्ता जन-अधिकार अदालतय् लः ल्हाय् यंकगु मेगु दाग किकगु दः । गुगु दाग वानी मखु । हुयो छ्वय् फै मखु ।

देउवा सिन्हं तिकः हःम्हा प्रधानमन्त्रीः

नेपः या संविधानं सिन्हं तिकः सुयातां प्रधानमन्त्री याय्गु ब्यवस्था याडः तःगु मरु । इतिहासय् हे दकलय् न्हः पां अदालतं सिन्हं तिकः प्रधानमन्त्री नियुक्ति यागु थ्वहे न्हःपां खः । विश्वासया मत काय मफूतलय् देउवां जनताया प्रधानमन्त्रीया हैसियतकाय फै मखु । वं विघटित प्रतिनिधिसभाया दुजः पिनिगु सहिछापता अदालतं सदर यागु कारणं क्यडः परमादेश प्रधानमन्त्री जूगु खः । वयागु समर्थनय् हस्ताक्षर (सहिछाप) यापुं गुलिसिनं लिता काला दक खाँ नं प्याहाँ वयो च्वंगु दः ।

खयां थुगु कार्यकालय् प्रधानमन्त्री जुइगु वयागु भ्या-भाति हे सम्भावना दःगु मखु । माधव नेपाल गुटया कारणं देउवाया 'भाग्य खोलय् जूगु' खः । गुकीं व प्रधानमन्त्री जुय खाना । व तः क हे जनतां लाडः स्वय धुम्हा प्रधानमन्त्रीया पात्र खः । सांसद अपहरण काण्ड च्वलय् फै थें सांसदपिन्ता न्याय्मिय याय्गु घच्यापुगु विकृति दुताय् हःम्हा, इतिहासय् दकलय् अपः मन्त्री ६४ म्हासिया मन्त्रिमण्डल निःस्वाड अलय् अमेरिकी साम्राज्यवादं अफगानिस्तानय्

नेपः या संविधानं सिन्हं तिकः सुयातां प्रधानमन्त्री याय्गु ब्यवस्था याडः तःगु मरु । इतिहासय् हे दकलय् न्हः पां अदालतं सिन्हं तिकः प्रधानमन्त्री नियुक्ति यागु थ्वहे न्हःपां खः ।

आक्रमण याइगु हवाइ जहाज (फय् खः) ता चिकं तय्ता थाय् वियगु निर्णय याडः बदनाम जुयो च्वंम्हा प्रधानमन्त्री नपां राष्ट्रघाती एमसीसी सम्भौता याम्हा छम्हा कुपात्र खः देउवा ।

देउवा प्रधानमन्त्री जूगु साति खुनुं हे ललिता निवास काण्डखय् विस्फुवाडः च्वंम्हा अभियुक्त विजय गच्छदार अदालतय् हाजिर जू वाना अलय् १० लाख तका दां धरौती तयो त्वतला । अः हिंगुम्हा म्वापुं मनू तय्ता अपाभद्राय् अपाउड च्वंथाय् क्वफ्वाड स्यागु (आरोपय्) द्वपं खय् जेल जीवन हाड च्वंम्हा अफ्ताव आलम त्वः तिगु खाँ बयबय् जुयो च्वंगु दः । धात्थें धाय्गु खः सा देउवा विकृतिया सः ग हे खः । वयापाखं जनतां आशा यायगु छुं छुं हे मरु । अजम्हा बदनाम जुःम्हा कुपात्रता प्रधानमन्त्री याय्ता तहांगु लाहादःपुं माधव नेपाल गुट यायपुं हे खः । अः वं याइगु छगू छगू देशघाती ज्याया जिम्मेवारी नेपाल गुटं काय मः ।

जनता नं जिठमेवार

प्रजातन्त्र्य जनतां थःपुं प्रतिनिधि थमनं हे निर्वाचित याई । खराबपुं मनूत त्याकः छ्वय् लाः सा मेगु पालय् मेम्हा प्रतिनिधिता त्याकः छ्वय्फः । अथे त्याकः वापुं प्रतिनिधिपुं जनताया दुःख सुखया खाँ लहाइपुं उत्तरदायी जुयमः धाय्गु मान्यता खः आवधिक निर्वाचनता प्रजातन्त्रया छगू बांलागु पक्ष काथं धायो वयो च्वंगुया खाँ नं श्वकिं हे खः ।

२०४६ साल निसैं अः तक खय् देशय् विकृतिं त्वपुयो हःगुया कारण शासक दलया नेतातजक मखु अजपिन्ता मिखा तिसिड भोत बियो त्याक छ्वपुं जनतानं उलि हे जिम्मेवार खः । निर्वाचित जनप्रतिनिधिपुं व मन्त्री तय्सं यागु बांमलागु ज्या अथे धाय्गु देश व जनताया विरोधय् यागु ज्यात छसिकाथं पिब्वयो च्वंगु दः ।

निर्वाचनपाखं अजपुं गलतपुं मनूतय्ता व पार्टीता दण्ड वियगु जनताया कर्तव्य खः । अथेनं तःक हे वहे वहे बेइमानीपुं मभिपुं मनू तय्ता हे सिरपां छायो च्वंगु दः । छक मसियो गल्लीं अजपुं मनूत त्याक छ्वसां लिपा जनतां थमनं हे शुइकः अमिता बुकय्ता

२०४६ साल निसैं अः तक खय् देशय् विकृतिं त्वपुयो हःगुया कारण शासक दलया नेतातजक मखु अजपिन्ता मिखा तिसिड भोत बियो त्याक छ्वपुं जनतानं उलि हे जिम्मेवार खः ।

जुय मःगु खः नि । नेपालय् धेबा, शक्ति व पदया लिनयँ-लिनयँ ब्वाकः जुइपुं नेता तय्सं पार्टी कार्यकता व अपलं जनतातय्ता थः थें स्वार्थी व लोभी याय् धुंकल । अथेजगुलिं न्ह्याब्लें जूगु निर्वाचनय् शासक दलयायपुं यक्व बदनाम गुण्डात, तस्कर, ठेकेदार, भ्रष्टाचारीत त्याकः वयो च्वंगु दः ।

तः क हे समाजय् ध्वगिडः नावय् धुपुं मनूत हे संसदीय निर्वाचनय त्याडः वगुली छु जनता नं जिम्मेवार मखुला ? गुब्लेतक जनतात राजनैतिक रुपं सचेत जुयो छप्पा छधि. जुई मखुनी अब्लेतकं अजपुं मखुपुं मनूत जनताया भोतं त्याकं तुं च्वनि तिनि अलय् जनताता दुःख बियो तुं च्वनि तिनी ।

अदालत नं आलोचनां मुक्त जुय फैं ऋःः

संसारय् छुं नं चिज वा वस्तु आलोचनां मप्यापुं दै मखु अलय् मदय्क च्वनय् फैं नं मखु । अदालतं यागु निर्णयया विषयलय् बांला-बांलादक सकारात्मक व नकारात्मक खाँत (टिका-टिप्पणी) वैगु याता प्रजातान्त्रिक प्रक्रिया जक धाय्गु या । करोडौं जनतां त्याक छ्वम्हा राष्ट्रपति, प्रधानमन्त्री, मन्त्री तय्गु कुंखिय् ज्यसा नासु, अधिकृत जुयो जागिर न नं प्रधान न्यायाधिश वा न्यायाधिश जूपिसं यागु

निर्णय सकल पाय्छी जुइ दक गथे धाय् फैं ? गथे नेता तय्सं यागु ज्यायाता कायो सार्वजनिक टिप्पणी जुई उकिता बिचः याडः नेता तय्सं ज्या याय्ता बाध्य याई व थें तुं जनताया मति छु दः धाय्गु स्वयत्ता नं अदालतया विषय वस्तु बारे सः श्वय्केगु अधिकार जनताकय् दय्मः ।

न्यायपालिका थःगु अधिकारं प्याहाँ वाडः ज्या याःसा देया राजनीतिखय् उकीं लिपाथयंकः बांमलाक लिचवः लाइगु जूसा स्वाभाविक काथं जनतां उकिता कुं खिई । अदालतं प्रधानमन्त्री ल्यइगु, सांसदपिन्ता हकनं अदालतं म्वाकः ह्यगु थजगु विशुद्ध राजनीतिक विषयता नपां कानुनी विषय धा धां न्यायालयं थःगु क्षेत्राधिकार धायो निर्णय याड हल । व धात्थें खय्कः

न्यायपालिका थःगु अधिकारं प्याहाँ वाडः ज्या याःसा देया राजनीतिखय् उकीं लिपाथयंकः बांमलाक लिचवः लाइगु जूसा स्वाभाविक काथं जनतां उकिता कुं खिई । अदालतं प्रधानमन्त्री ल्यइगु, सांसदपिन्ता हकनं अदालतं म्वाकः ह्यगु थजगु विशुद्ध राजनीतिक विषयता नपां कानुनी विषय धा धां न्यायालयं थःगु क्षेत्राधिकार धायो निर्णय याड हल । व धात्थें खय्कः कुंखियमःगु विषय जुई । अजगु गुलिनं विषयत संविधान संशोधन याडः जूसां व्यवस्थित मयासिं मगात ।

कुंखियमःगु विषय जुई । अजगु गुलिनं विषयत संविधान संशोधन याडः जूसां व्यवस्थित मयासिं मगात । न्यायालयं न्ह्याथिन्योगु निर्णय ब्यसां फुकसिनं मानय् याय् हे मः धाय्गु मान्यता सत्य मखु । प्रजातान्त्रिक व्यवस्थाय् न्यायालयं नं प्रजातान्त्रिक जुयमः धाय्गु जनभावनाया कदर जुय मः ।



शिशु स्याहार व बालविकास केन्द्र न्ह्याकयुगु कार्यविधि २०७७ य् छपुलु

डा. हरिराम सुवाल (वडाध्यक्ष & वडा)

समाजवादी व्यवस्थाय् उत्पादनया फुक्क साधनत सामाजिकरण जूथें शिक्षा नं धेबा पुलय् म्वायकः निःशुल्क जुई आना निजी ब्वनय् कुथित दै मखु । सरकारं जनतातय्ता थमनं हे ब्वनय्कुथित चाय्कः निःशुल्क व अनिवार्य शिक्षा बियगु याई । अलय् पुँजीवादी व्यवस्थाय् अपलं शिक्षण संस्था निजी चाय्के बियो अपलं धेबा काय्के बियो जनताता शोषण याई । छम्हा पुँजीपतिं थःगु लाय् लायो ब्वनय्कुथि चाय्किगुलिं वं अपलं लबः नडुगु पक्का हे जुल । अलय् कम्युनिस्ट पार्टीं समाजवादी व्यवस्थाया खाँ ल्हाडः सत्ता नं अपलं जनताया सेवाखय् छ्यली । समाजवादी व्यवस्थाय् शिक्षा व स्वास्थ्य नं सरकारं थमनं हे जिम्मा कुबिइसा, मचात, थाकालिपुं जेष्ठ नागरिक पिनिगु जिम्मा नं राज्यं हे कुबिई । अथे धाय्गु मचा बूसां निसें मसीतलय् व्यक्तित्व विकास याय्ता माक्व फुक्कं राज्यं हे जिम्मा कुबियो हज्याई ।

मचात थौं मुखु खः सा कन्हेया स्वं खः, कर्णधार खः । अथेजगुलिं थौं या मचातय्ता बांलाक सुसा-कुसा बिचः याडः नय्त्वनय् पुनय्गु नपां बांलाक स्यनय् कानय् (शिक्षा) ब्यूसा कन्हे दे या न्हयलुवा जुइपुं वहे मचात न्ह्याकातं स्वसां बांलाई । बांलाक ज्या सानी । उकी मचाखाचात स्वयगु जिम्मा राज्यं कःसा अमिपरिवारं मचात स्वय म्वालः दे व जनताया ज्याखय् ई फ्याय् फैं । अथे जगुलीं कम्युनिस्ट सिद्धान्तं ज्या सानिगु समाजवादी देशय् मचा तय्गु लागिं शिशु स्याहार केन्द्र वा बाल विकास केन्द्रया व्यवस्था याडः तै । व मचातय्ता दायो-ख्याडः मखु म्हेतकः-म्हेतकः हाय्पुकः, हेय्कः अमिकय् दःगु प्रतिभा छ्यय्कं -छ्यय्कं हाय्पुगु लकस ब्वलांक थी थी शैक्षिक ज्याइवः याइगु थाय् हे शिशु स्याहार केन्द्र वा बाल विकास केन्द्र खः ।

भीगु दे दुनय्या ७५३ गू स्थानीय तह मध्ये खप नगरपालिका छगू बिस्कं म्हासिइका पिब्वयो वयो च्वंगु नगरपालिका खः । थुगु

नगरपालिकाय् फुक्क जनप्रतिनिधिपुं नेपाल मजदुर किसान पार्टीं पाखं त्याकः वपुं खः । नेपाल मजदुर किसान पार्टीं चुनावया इलय् पिब्वगु घोषणा पत्र गुकि कम्युनिस्ट सिद्धान्तया लिधांसाय् समाजवादी अवधारणा पिब्वयो तःगु वहे काथं नपां ज्या साडः वयो च्वंगु खः थुकिया छगू स्थल्लागु दसु शिशु स्याहार व बालविकास केन्द्र न्ह्याक वयो च्वंगु नं खः । खप नगरपालिका शिक्षा व स्वास्थ्य खय् देया दकलय् च्वःजःगु नगरपालिकां शिशु स्याहार व बालविकास केन्द्र सञ्चालन कार्यविधि २०७७ छप्वा म्हुतुं पारित यागु दः । स्थानीय तह निर्वाचन २०७४ य् नेपाल मजदुर किसान पार्टीं खप नगरपालिकाया लागिं पिब्वगु घोषणा पत्रया बुँदा नं ११ सं वडा वडाय् शिशुस्याहार केन्द्र चाय्क यंकेगु न्हिथाडः तःगु दः । थ्वहे बुँदाता ज्याखय् छ्यलय्ता च्याकगू नगरसभां शिशु स्याहार व बालविकास केन्द्र न्ह्याकयुगुया ज्या इवः पास याडः ज्याखय् छ्यलय् हः गुखः । अथेहे नेपाल मजदुर किसान पार्टीं केन्द्रीय निर्वाचन परिचालन समितिं स्थानीय तहया निर्वाचन घोषणा पत्र २०७४ य् मचातय्गु बांलाक बिचः याय्गु नपां मां पिनिगु श्रमशक्ति (आम्दानी) अप्वय्केता वडाया त्वालय् त्वालय् शिशु स्याहार केन्द्र व बालोद्यान मचाक्यबः न्ह्याकयुगु च्वयो तःगु दः । खप नगरपालिकाया आर्थिक वर्ष २०७८/०७९ या नीति व ज्या इवः या बुँदा नं २६ य् नगरपालिकापाखं न्ह्याक च्वंगु शिशु स्याहार केन्द्रय् ज्या साडः च्वंगु शिक्षिका पुं व आयादिदी पिन्ता ई काथंया तालिम बिय्गु व आना भर्ना याय् हः पुं मचातय्ता स्वस्थ याडः तय्ता मदिकक स्वास्थ्य परीक्षण याकय्गु व्यवस्था याय्गु खाँ नं न्हिथाडः तःगु दः ।

खप नगरपालिका दुनय्यें (स्थायी व अस्थायी काथं च्वड च्वंगु), थः गु हे छँ दाडः च्वंगु वा कोथाकायो च्वंगु नगरबासीपिनि मचाखाचात म्हवचा दक धेबां तस्कं बांलाक ब्वंकयुगु सुसा कुसा व



बिचः याकेता खवप नगरपालिकां थमनं हे तप्यंकः स्वयो ब्यवस्थापनयाड न्ह्याकयगु शिशु स्याहार नपां बाल विकास केन्द्र मदिक स्वः वाडः मः काथंया ब्यवस्था याड तय्मः गु खानय् दः गुलिं स्थानीय सरकार सञ्चालन ऐन २०७४ या दफा १०२ व खवप नगरपालिकाया प्रशासकीय कार्यविधि (नियमित यायगु) ऐन २०७५ या दफा ५ काथं च्याकगू नगर सभां थुगु 'भक्तपुर नगरपालिका शिशु स्याहार व बाल विकास केन्द्र न्ह्याकेगु कार्यविधि २०७७ स्वीकृत याड लागु यागु खः ।

थुगु ऐनया दफा २ (छ) काथं 'शिशु' धाय्बलय् दाच्छी स्वयो क्वकालीपुं मचात दक थुइकय् मः । दफा २ (ज) काथं 'बाल बालिका' धाय् बलय् डादास्वयो क्वय यायपुं मचात दक थुइकय् मः । दफा २ (झ) काथं 'केन्द्र धाय् बलय् खवप नगरपालिकाया तप्यंकः निर्देशन व ब्यवस्थापनय् न्ह्याकिगु शिशु स्याहार व बाल विकास केन्द्र जक थुइकय् मः । थुगु ऐन या दफा ३ काथं मचातयत्ता चाकलीं (सर्वाङ्गीन) विकास यायगु व स्तरीय लकसय् ल्वय्कः भिंकः, बांलाकः बिचः यायगु थुगु कार्यविधिया मू उद्देश्य खः । दफा ४ रं नगरपालिका पाखं न्ह्याकः च्वंगु शिशु स्याहारता मःगु ब्यवस्थापन खवप नगरपालिकाया शिक्षा स्वास्थ्य व संस्कृति समितिं स्वयगु ब्यवस्था याडः तःगु दः ।

दफा ५ खं शिशु स्याहार केन्द्र व बालविकास केन्द्रया ब्यवस्थापन नपां न्ह्याकयगु ज्या इवःया खाँ न्हिथाड तःगु दः । गथेकिः-

- १) शिशु स्याहार व बालविकास केन्द्रे सुरक्षा ब्यवस्था नपां नयगु, च्वनयगु, थेनयगु, मचातयत्ता ब्वंकयत्ता छिंगु क्वथा नपां ख्वः सिकयत्ता काथं छिंगु थाय् दय्केगु
- २) मचा तयगु लागिं मः गु शैक्षिक सामग्री व म्हेतकयत्ता मःगु न्ह्यबसाया ब्यवस्था यायगु
- ३) शिशुमैत्री लकस दय्केगु
- ४) यचु-पिचुक, सुचुकुचु याडः तयगु वा स्वस्थ्य जुइकाथंया थाय् ब्यवस्था यायगु ।

शिशु स्याहार व बाल विकास केन्द्र बांलाकः न्ह्याकयत्ता ग्वाहाली पुचः या परिकल्पना (मति) नं तयो तःगु दः । उगु मति काथं शिशु स्याहार व बाल विकास केन्द्र न्ह्याकयत्ता छगू वडा स्तरीय ग्वाहाली पुचः दै । थुगु समितिसं क्वय च्वयाकाथंया दुजः पुं तयगु ब्यवस्था याड तःगु दः ।

- १) स्वापु दःगु वडाया वडाध्यक्ष - कजि
- २) स्वापु दःगु वडाया मिसाम्हा जनप्रतिनिधि - दुजः
- ३) शाखा प्रमुख - दुजः

४) शिशु स्याहार केन्द्रया इन्चार्ज - दुजः

५) वडा सचिव (छ्याञ्जे) (सदस्य सचिव) छ्याञ्जे दुजः

गवाहलीपुचं शिक्षा स्वास्थ्य व संस्कृति समिति नपां स्वापु तयो मः काथं सल्लाह कायो शिशु स्याहार व बाल विकास केन्द्रय वाडः स्यवयुगु, मः मः गु खाँत सुभाब नपां निर्देशन यायुगु ज्या याई । नपां शिक्षा, स्वास्थ्य व संस्कृति समितिया निर्देशन काथं ज्या यायुगु, शिशु स्याहार केन्द्रत नियम स्वयो प्याहाँ वां:सा पानयुगु अथे मयायूता सल्लाह बियगु, मः काथंया ब्यवस्था याड बियगु व अपलं बांलाक भिंक यंकयूता निर्देशन यायुगु ज्या थुगु गवाहली पुचं: याई ।

थुगु ऐनया दफा १४ खं शिशु स्याहार व बाल विकास केन्द्रय बरोबर स्वः वाडः मः काथं निर्देशन यायु फै । उगु काथं ख्वप नगरपालिका शिक्षा स्वास्थ्य व संस्कृ ति फुक्क शिशु स्याहार व बालविकास केन्द्र इलय् ब्यलय् स्व वानयुगु, स्वः वानयुगु इवल्य मचः मगागु खाँत (सुधार याड) ल्हवड यंकयूता छगू छगू याड निर्देशन बिय फै । उगु निर्देशन काथं ज्या यायूता व यंकता स्वापु दःपुं शिशु स्याहार केन्द्र शाखा प्रमुख व केन्द्रया इन्चार्जया कर्तव्य जुई ।

दफा १५ खं शिशु स्याहार व बाल विकास केन्द्र यायु मःगु दायित्व व ज्यात क्वय च्वया काथं ब्यवस्था याड तःगु दः ।

- १) शिशु अलय (बाल वालिका) मचा तयूता च्वनयुगु नयुगु नपां मदिकक जाँचयू यायूता थायू दयूकः बियगु ।
- २) शिशु अलय मचाचयूता शारीरिक, मानसिक व वैदिक विकासया लागिं मः मः गु सामग्री (ज्या भः) तः ब्यवस्था यायुगु ।
- ३) शिशु व मचातयूता बालमैत्री लकसय् ब्वलांकः बाल संवेदनशीलता अप्वयकः यंकेंगु ।
- ४) शिशु व मचातयूता शैक्षिक व स्वास्थ्य सम्बन्धी प्रगति विवरण गथे खः अथेहे (अद्यावधिक) याड ल्यंकः तयुगु ।
- ५) शिशु व मचातयूता शारीरिक व मानसिक विकासया लागिं दाँ (उमेर) स्वयो बिचः यायुगु, (स्याहार सुसार) सुसाकुसा, सुरक्षा



व मः काथं स्वयो बालमैत्री लकसः दयूकः हज्यायुगु ब्यवस्था यायुगु ।

- ६) मचात भर्ना याडागु रेकर्ड कापि, न्हिया न्हिथंया हाजिरी कापि, (कर्मचारी व शिशु अलय मचातयुगु लागिं) बैठकया कापिचा) स्वास्थ्यया कापिचा, व्यक्तिगत फाइल नपांया ब्यवस्था यायुगु ।
- ७) ब्वनामि मचातयुगु अभिलेख ल्या चा, बांलाड वांगुया ल्या, नपां थी थी अभिलेखत ब्यवस्थित काथं तयुगु ।
- ८) केन्द्रया लय लय पतिकंया बांलाकः वांगुया अभिलेख धायोतःगु काथंया फारम दयूकः शाखा प्रमुखपाखं प्रमाणित याकः तयुगु ।

अः तक खयू ख्वप नगरपालिकाया ६, ७, ८, ९ व ४ वडायू शिशु स्याहार केन्द्रत न्हयाक च्वंगु दःसा उगु केन्द्रय थयं मथयं स्वीडाम्हा निसें पीम्हा तक मचात दः । व फुक्क मचातयूता दाच्छीया छकः स्वास्थ्य परीक्षण याडःवयो च्वंगु दः । अलय शिशु स्याहार केन्द्रय ज्या सानिपुं शिक्षिकापुं नपां आयादिदी पिन्ता ई काथं तालिम नं नगरपालिकां बियो वयो च्वंगु दः । उगु केन्द्रय नेम्हा शिक्षिका पुं व नेम्हा आयादिदी पिसं ज्या साड च्वंगु दः । शिशु स्याहार व बालविकास केन्द्रय दाच्छीनिसें स्वदा दःपुं मचात भर्ना याड बिचः याडः सेवा बियो वयो च्वंगु दः । अलय मचातयूता ५००० तका दां तकया वास खर्च व विमा नं ब्यवस्था यायुगु कार्यविधिं याड तःगु दः । आना भर्ना जूपुं मचातयूकयू लच्छीया दृष्टी तका धेबा शुल्क काथं कायो वयो च्वंगु दः । फुक्क वडायू अजगु शिशु स्याहार व बालविकास केन्द्रत चायूक वानयुगु नगरपालिकाया गवसः दः नपां दाच्छीया स्वकः स्वास्थ्य परीक्षण याकयुगु योजना नं नगरपालिकां तयो तःगु दः ।

ख्वप नगरपालिकां चायूकः तःगु शिशु स्याहार व बालविकास केन्द्रं ज्या वाडः नयुमःपुं मिसातयूता तः सिकं अः पुक ब्युगु नपां मचातयूता बांलाक बिचः याड पौष्टिक आहारत नकः जिवं लापुं स्वस्थ मचात ब्वलांक जनताया सेवा याड वयो च्वंगु दः ।





ज्ञानसागर प्रजापति

डा. बलराम कायस्थया 'ख्वप दे या सङ्क्षिप्त इतिहास' व सह-प्राध्यापक बिश्व मोहन जोशीया 'ख्वपया राजनीतिक अवस्थाया ऐतिहासिक परिचय' नेगू ख्वपया विषय चवयो तःगु खः सां छगू धात्थें बः चा हाकगु व मेगु ताः हाकलं विस्तृत वर्णनात्मक खः ।

शासकपिनिगु थः वं थः या कलह जूलकी राज्य बमलाड वानिगुलिं अलय उकि शत्रुं फाइदा काइगुली अजगु सन्देश थानाया देव व मल्लपिनि दशवी ल्वापु जूबलय कर्णालीया खस व सिम्रौनगढया राज्य निस्वांगु व बङ्गालया सुल्तान शमसुद्दिन आक्रमण (हताल) नपां यागु दसु कायस्थया च्वसु ख्यु दः । अथेहे स्यालय तिङ्गु धाय्थें कमजोर इलय हे जयस्थिति मल्ल राज्य व्यवस्थाय् द्रहँ वय फःगु वनं लिपा देवतय्गु अस्तित्व मदयो वाडः मल्ल जुजु पिनिगु शासन च्वजःगु अलय यक्ष मल्ललिपा यें, यल व ख्वप स्वंगू क्वचा दःसेलीं पृथ्वीनारायण शाहं त्याकगु नं कायस्थया बः चा हाकगु इतिहासं थुइक्यु फः ।

सह-प्राध्यापक विश्वमोहन जोशीया ताः हाकगु च्वसुया ग्यसुलागु बवः (अंश) मध्ये भारतया इष्ट इण्डिया कम्पनी सरकारया प्रतिनिधि विलियम कर्कपाट्रिकं

‘ख्वपको पहिचान-नेगूगु’ साफू दुजय् दुवाला

‘ख्वप’ नेपःया बनारस’ धःगु खाँ याता काय् फः । ख्वप विश्व विद्यालय न्ह्याक्यु दः सा थजगु खाँ या अनुसन्धान याड थप पुष्टि जुइगु पक्का खः । अः ख्वप इञ्जिनियरिड कलेज, ख्वप कलेज नपांया नेगू प्यंगू संस्थां उगु ज्या याइगु सङ्केत क्यडः च्वंगु दः । डा. सुवेगमान बिजुकुछें जु पाखं चवयो द्युगु ‘स्वनिगःया भौगर्भिक इतिहास’ य् न्हपा न्हपाया इलय तः हांगु पुखु (दह) धायो तःगु थुगु थाय्या नाः सुड वांसेलिं मनू च्वनय्गु याड बस्ती दःगु खाँ याता काय्फः । मञ्जुश्री नं चोभारया डाँडा तछ्याड नाः पिता छ्वगु धाय्गु खाँ मिथक धायो दिसे वयकलं तालया उद्गम, गुब्ले गथे जूगु, गुगु ई तक (ताल) पुखु दःगु, गुब्ले निसें नाः सुड मनू च्वनय् ज्युगु धाय्गु बः चा हाकलं न्हि थाड तःगु दः ।

नपां च्वसु ख्यु स्वनिगः या नाः छँ (जलस्रोत) या स्थिति नं प्रस्टयाड तःगु दः। सतहक्वसं च्वंगु जमिन तःलय्या भूमिगत जल व तस्कं क्वय थ्यंकया भूमिगत जल याडः नेताजिगु जल (नाः) मध्ये इलय ब्यलय वः वइगु लिं सतह क्वसं च्वंगु भूमिगत जल थानीसा पहाड क्वयया काँठ व च्वयया ब्वतिसं वगु वः लं (गहिराई) क्वय क्वयया जलः (नाः) जायकी । अः थी थी विकास निर्माणं भूमिगत जल भण्डारय् समस्या वगुलीं लिपा लिपा वयो जमिन स्वतुड वा निगु (भासय् जुइगु) भौगर्भिक समस्या वय फःगु खायें सचेत यागु दः ।

जुनु बासुकलां च्वयो द्युगु -ख्वपया पञ्जारां’ सं दानया महिमाया वर्णन दः । दीपवती नगरया जुजु सर्वानन्द दीपङ्कर

बुद्धता दानबिय तां बलय बुद्धं जुजुता स्वयो सर्वसाधारण मिसा लक्ष्मी थकुता हदाय् तयो कःगु प्रसङ्ग तस्कं डालय् बह जू ।

जुजु थमं दुःख सियो कमे यागु धन मखु बरु लक्ष्मी थकु थमनं हे कमे याड कमे यागु धन जुगुलिं उगु धन शुद्ध खः धायो द्युगु दीपङ्करया खाँ न्यडः जुजु सर्वानन्द लुकःमिया ज्यासलय् ज्या साड कमे यागु धनजक बुद्ध नपां मेमेपुं भिक्षु पिसं दानकः गु खाँ तस्कं च्वछाय् बह जू ।

विद्वान् पुरुषोत्तम लोचन श्रेष्ठ जु पाखं च्वयो द्युगु ‘ख्वपया करुणामय’ व्वनय् बलय वः मवयो देशय् अनिकाल जू बलय जनताया समस्या ज्यंक्यता यागु कुतः च्वछाय् बह जू । क्वय्या माभी जातय् बुःम्हा जुयानं कर्म विशेषं च्वः जायो लोकया रक्षा यागुलिं मत्स्येन्द्र नाथ वा लोकेश्वर करुणाभाव तयो बिज्याइम्हा करुणामय जुयो विज्यागु उलि हे (शिक्षाप्रद) डालकाय् बह जू ।

लक्ष्मी नारायण दुवाल जुं च्वयो द्युगु ‘इवः भ्वय’ नेवः तय्गु थःगु पहया मौलिक संस्कृति मध्ये छगू खःसां अः पार्टी प्यालेस संस्कृति याड थुगु भ्वय बुलुहुँ ताडः वानय् तांगुलिं थुकिता ल्यंकः तय मःगु धाय्गु सन्दर्भ थुगु च्वसु बांलागु जक मखु मच्वसें मगागु च्व सु खः धाय् फः । अथेनं इव भ्वेँ नकगु थाय् बाय् व जाति पिच्छे पाक नकिगु लिं अजनं अध्ययन याडः तानय् दःसा भन बांलाई ।

विदेशं ज्वडः वगु व तः तः हांगु उद्योगं उत्पादन याड सरकारता राजस्व पूगु ऐलां जक बजारय् वैधता कायो च्वंगु अलय समाजय् इज्जत कायो च्वंगु थौं या

इलय् भीगु पुलांगु परम्परागत छँ या (लोकल) ऐलाता नं मान्यता दयमःगु खः धाय्गु 'लोकल ब्राण्ड' ह्याउँ थ्वँ छ्याँया सुनिता गाईसीया च्वसु नं (समसामयिक) थौं या सः खः । पुलांगु पुस्ताक्य् जक थ्वँ थुय्गु ल्यंदःगु तरिका न्हँगु पुस्ताता नं स्यडः यंक्य् फःसा च्वसुया सार्थकता दै ।

अथेहे इन्दिरा लाछिमस्यूया 'धिमेया बोल' च्वसु नं खः । छाय्धःसा थौं कन्हे विदेशं हःगु आधुनिक बाजाख्य ल्य ताइपुं ल्यासे ल्याम्होया पुचल्य् ख्वपया धिमेखं मन लुयो काय्गु तस्कं थाकुगु ज्या खः । अथेनं धिमाय् स्यनय्गु सय्केगु नेवः तय्गु परम्परा ख्य् म्वाड च्वंगु धिमेबाजा छुं दाँ न्हयों निसें ल्यासेल्याम्होपुं तस्कं हज्याडः सय्क च्वंगु दः । न्हापा मिजं तय्सं जक थाइगुलि अः मिसामस्त नं लयतायो थाय् सय्क च्वंगुलि इन्दिराया च्वसुं उगु आकर्षण ताडः यंकिगु खाँ धाय् मालिथें मच्चं ।

धिमेबाजा स्थानीय पाठ्यक्रम नपां स्वापु दःवगुलिं थ्व नेवः मखु पिनिगु नं मंकः बाजा जुइगु पक्का खः ।

जनआन्दोलन २०४६ या अमर सहिद पिनिगु बःचा हाकलंया जीवनी थ्वनं हाँ हे साफू काथं पिथानय् धुंकगु जूसां उकियाय् हे संक्षिप्त (साभार) ल्हय्यो कःगु खः । थुकीं देश व जनताया लागिं यागु बलिदान सितिं वानिमखु धाय्गु सन्देश पिज्वःगु दः । सहिदपुं कृष्णाराम दुवाल, राजकुमार सुवाल, हरिकृष्ण भुजु, निर्मल कुमार शाक्य, महेश श्रेष्ठ व पुष्परत्न शाक्यया जीवनी न्हँगु पुस्ताता निरंकुशताया विरुद्धय् ल्वाय्गु मति वांकः बिइगु आशा याय् छिं ।

अथेहे शिक्षा प्रेमी, समाज सेवी किसान नेतापुं बुद्धिकुमार गोसाई व गोविन्द

दुवालया जीवनी राजनीति चुपीया धँलय् डायो वानय्गु तस्कं थाकुगु लाँपु खः दक थुइक्य् फः । अलय् देश व जनताया नितिं यागु ज्या अथें सितिं वानिमखु लिपा लासां समाजय् बांलागु ह्युपा वइ धाय्गु खाँ जीवनी ब्वनय् बलय् सिइक्य् फै । च्वमि भाजु पुं लक्ष्मी नारायण दुवाल व गणेशराम थुसाया थः थः गु च्वसुपहः (शैली) बांला हे जू ।


वयो च्वडागु 'भाषाजुव' धाय्गु रमापति शर्माया उपाधि च्वसु ख्य् गनां हे मखाडागुलिं छाय् जुइधाय्गु मनय् खाँ मल्हागु मखु ।

शिक्षक पासा महेन्द्र गोपाल कर्माचार्य जुं च्वयो द्युगु डा. योगेन्द्र प्रसाद प्रधानया ब्वनय् मःगु व ब्वनामिपिन्ता प्रेरणा ग्वाकिगु च्वसु खः । थःगु मां भाय् नेपाल भाषाया काब्य ख्यः उर्वर याय्ता चःति

हाय्क म्हा प्रधान जूया गुगु काब्य कृतित दःगु जक मखु जनस्वास्थ्य विषय सं च्वय् थ्यंकः ब्वनय्ता वयकलं याडः द्युगु ज्या ख्वपयूतय् लागिं गौरव याय् लाइक जू । महेन्द्र गोपाल जिं हे खिछें महाजन गणेश बहादुर कर्माचार्य जूया बःचा हाकलं जीवनी च्वयो द्युगु खः । गणेशकृत रामायणया च्वमि खिछें महाजनया जीवनी ब्वनय् बलय् नेपाली साहित्यया आदिकवि भानुभक्त आचार्य जू लुमांसे वई । वयकं विषयया ज उज्वःगु हे काब्य कृतिया कवि भानुभक्तता नेपाली साहित्य ख्य् गुगु हनाबना व सम्मान बियो च्वंगु

दः । उगु हनाबना नेपाल

भाषाभाषीपिसं गणेश बहादुरता ब्रिय मफःगु ख्वप बासी पिनिगु दुःख (विडम्बना) ताय्के मः । च्वमिं खिछें महाजनया खायँ बःचा हाकलं फक्क फक्क खाँ दुथ्याक कानय् तांगु दः । हःनय्या धार्मिक पुस्तां अः तक नं छँ छँ गणेशकृत रामायण ब्वडः काड च्वंगुलि महाजन अमर खः धाय्गु सिय् दः । थुगु जीवनी हकनं न्हँगु पुस्तातक गणेशकृत रामायण थ्यनिगु विश्वास याय् फः ।



लोकंहवाम्हा तेजेश्वर बाबु ग्वंगः या 'नाग पञ्चमीया महिमा' व रमापति राज शर्मा राजोपाध्यायया जीवनीया च्वसु शैलीया तस्कं बांला । तस्कं हायँपुक नागपञ्चमीया महिमा छ्याँ या थः गु नुगः खाँ नपांया च्वसुं नाग भीगु समाज व जीवनीया लागिं मदय्क मगाम्हा जूगुलीं म्वाकः तय् मःगु खाँ थ्वक वगु दः । नेपालभाषा साहित्य तःमुंज्या नपां थी थी सार्वजनिक दबुली न्ह्याब्लें न्यडः

बौद्ध विद्वान् रत्नसुन्दर शाक्य जुं च्वयो द्यूगु प्रेम बहादुर श्रेष्ठया जीवनी धःसा अपलं ब्वनामि पिनिगु लागिं न्हँगु हे जुय फः । जुजु त्रिभूवनया पालाय् हे राजदरवारया जागीर त्वः त तिब्वतय् वाडः भिक्षु जुयो द्यूम्हा श्रेष्ठ महायानी परम्परा काथं यँ सदियो लिपा दकलय् न्हँपां खानय् दः म्हा भिक्षु मध्येया छम्हा खः । अलय् कट्टर सनातनी हिन्दु ब्रम्हुतय्गु चुकुलीं राजद्रोहया द्वपं बियो श्री ३ चन्द्र शम्शेरं देशं पितिड छ्वगु खाँ जीवनी ब्वनय् बलय् थुइकय् फः । हिन्दु कुलया मनु भिक्षु जूगु हे वयकया अपराध जुयो च्वना । बुद्धया स्वाली तयो देचा हूगु हे वयकया अपराध जुयो च्वना । न्यनय् बलय् हे अजु चाय् पुगु प्रेम बहादुर श्रेष्ठया धात्थे खःगु अथेनं खाइगु सत्य जीवनी दुनय् ब्वनय् दै । भ्नीथाय् थाना अपलं नेवः तः दः । अथेनं नेव त सु खः ? दक म्हासिडकय् विडगु च्वसु खः प्रा. माणिक लाल श्रेष्ठया च्वसु । अः या भ्नी फुक्क नेवःत छगं तुं नेवः पाखं जूपुं मखयो च्वना । गुम्हां आर्य, गुम्हां मंगोल गुम्हां अष्ट्रा द्रविड जुयो च्वना । धर्मकाथं नं गुम्हां शैव व बौद्ध धर्म डालिपुं नेवः तः दः सा पृथ्वीनारायण शाहं स्वनिगः त्याकय् हाँ या इसाइ व इस्लाम धर्म मानय् याइपुं नेवः त नं भ्नी मध्ये दयो च्वना । अलय् पृथ्वी नारायण शाहं इसाइ धर्म मानय् याइपिसं देश त्वः ति मखुसा स्यो धःगुलिं अपलं नेवः त बेतिया वाड च्वं वांगु खाँ थुगु च्वसुखय् दः । नेपाल भाषा ब्वलानय् हाँ नेवः व सार्यँ (तामाड) तय्गु छगू हे भाय् जुयो च्वना । सार्यँ भाय नपां नेवः तय्गु भाय्या स्वापु या अपलं खाँ थुइकेगु खः सा थुगु च्वसु ब्वनय् हे मः ।

मल्ल जुजु पिन्ता नेवः जुजु धःसां अपुं नेवः मखुसे. ठकुरी जूगु नं उगु च्वसुखय् न्हिथाडः तःगु दःगुलिं उगु च्वसुं अपलं भ्रम ज्यकिगु विश्वास दः ।

सम्पदा संरक्षण विद रविन्द्र पुरीया

- 'मूर्त व अमूर्त सम्पदा' च्वसुं मूर्त व अमूर्त सम्पदा धाय्गु छु खः ? थुकिया महत्व छु छु दः ? धाय्गु खाँ छसिकाथं ब्वयो क्यंगु दः । च्वसु खय् छँ भ्नीगु मूर्त सम्पदा खः सा छँ दानिपुं भ्नीपुं अवः कः मिया लाहात अमूर्त सम्पदा खः । भ्नीगु थःगु मूर्त अमूर्त सम्पदा ल्यंक मतसिं मगा धाय्गु च्वसुया सार खः । वयकलं थानाया प्याखंत, नखा-चखा संस्कारगत परम्परा, नसा-त्वंसा, पुनय्गु वस-तिसा व हाकुपरासी फुक्क अमूर्त सम्पदा ल्यंकः तय्मः गुलि बः बियो दिल ।

पूर्व न्यायाधिश गौरीबहादुर केसीया (डातापोल्हे देगः पूर्खाया ज्वः मरुगु उपहार) 'पाँचतले मन्दिर पुर्खाको अनुपम उपहार' सं डातापोल्हे देगः या च्वय निसें क्वय थ्यंकया खाँ ब्याक तःगु दः । जुजु भुपतिन्द्र मल्लया पालाय् खुल्लाय् दुनय् जायकः दानय् धुंकगु थुगु देया दकलय् तः जःगु देगलं तःक हे तः भ्वखाचां धक्का ब्युसां ३२० दाँ हाँ निसें धस्वाड च्वंगु थुकिया कालीगडी पक्ष थौ इञ्जिनियरिड लागाय् सय्के सिडके व थुइकेगु विषय जुयो च्वंगु दः । कोरोना कहरया दश्वी नं द्रलंद्र ख्वपय् तय्गु लागिं श्रमदान याड नकतिनिजक दानय् धुंकगु डातापोल्हे धात्थे खय्क हे ख्वप तय्गु लागिं गौरवया चिं जुयो च्वंगु दः । च्वमि न्हपानिसें अः तक या डातापोल्हेया खाँ कुल दिसे अः ल्यं दः निगु सम्पदात नं ख्वप नगरपालिकां ल्हवनय् कानय् व दानय्गु ज्या याइगु विश्वास प्वंक से आग्रह नं याड दिल ।

शिक्षक पासा आशा कुमार चिकबञ्जार जुं 'लिपिया विकास व मानव सभ्यता' विषयसं च्वयो द्यूगु च्वसुखय् सभ्यता नपां लिपिया विकास गथे जूगु धाय्गु खाँ प्रस्ट याड द्यूगु दःसा संस्कृतिविद ओम धौभडेल जुं ख्वपया १८ गू ऐतिहासिक ध्वाकाया बारे च्वयो द्यूगु खः । वयकलं उगु ध्वाकाया ऐतिहासिक महत्व नं ब्वयो

दिसे नगरया हिगुं तुं वडाया सम्पदातय्गु बः चा हाकलं म्हासिडका च्वयो द्यूगु दः ।

अथे हे सुदर्शना बज्राचार्य जुं जयकीर्ति महाविहार (थथुवही) या धार्मिक व सांस्कृतिक महत्वया बारे बः चा हाकलं च्वयो द्यूगु दःसा संघ रत्न 'निवा' शाक्य जुं कुथु बहीया बः चा हाकलं म्हासिडका च्वयो द्यूगु खः ।

प्रमोद प्रसाद अवाल जुं ख्वप देशय् दय्किगु चाया भाला कुलाया बारे थुइके बियगु काथं च्वयो दिसे 'चा याता माया याइपुं गुल्ले द्यां लाड सी मखु' धायो तकसां थौं या न्हँगु पुस्तां थुगु पेशा डाल मकः गुलिं कन्हे तस्वीरय्जक ल्यडः च्वनिगु खः ला दक च्वमिं चिन्ता कायो च्वंगु दः ।

अभय श्रेष्ठ जुं 'भुथुली हे वास दः' (भान्छा मै ओखती) च्वयो दिसे भुथुली छ्यलिगु लाभा, हलु, पालु, इम, मिं, नाव घायँ नपां प्याज, काँकोचा, दुरु, धौ, ला, डा, वंचा तरकारी(सागपात) खय् दैगु पौष्टिक तत्वया जानकारी बियो दिल ।

व बाहेकं रामगोपाल कर्माचार्य जू या स्काउट शिक्षाया म्हासिडका, सिद्धिरत्न शाक्य जुया दीगु पुजा, सविन ख्याजूया कःसि खेतिया प्रविधि, सीताराम हाँछेथुया ट्राफिक नियम, लक्ष्मी भक्त बासुकलाया यंक धाला कासा, अमोक रत्न शाक्यया ततामोकु कासा नपां राजेन्द्र श्रेष्ठया प्रस्तुति छुं लोकम्यँत- सितला माजूया म्यँविस्काया घातु सिनाज्या म्यँ हेलीया म्यँ नं उलि हे ब्वनय् मःगु पाठ खः ।

थुगु पाठ्य सामग्री शिक्षकपिनिगु लागिं जक मखु ख्वपया बारे सय्के थुइके मति दःपुं न्ह्याम्हासिया लागिं नं तस्कं ज्या लगय् जुइगुलि शंका मरु ।

दकलय् लिपा शुद्धाशुद्धी सं भाति भाति खानय् दःगु गल्ली या लागिं क्षमा फ्वसे नेपाली ब्याकरणया थुगु हे ब्याकरण काथं धाय्गु धाय्गु खाँ क्वः मछ्यु गुलिं छगू नेगू थासय् छुं भाति समस्या दःगु खाँ नं ब्याकः च्वडा ।



साउन महिना नपां तुलसी

आशाकुमार चिकंबजार

साउन महिनाता श्रावण नं धाई । थुगु इलय् अनेक धर्मया खाँ न्यनय्गु श्रावण याय्गु धायो नं श्रावण महिना धःगु खाँ नं न्यनय् मरुगु मखु । भीगु दे बुँज्याखय् आश्रित पुं अपलं दः । अथे धाय्गु बुँ ज्या याड थःगु जीवन हानिपुं नेपः मिपिनिगु जीवनया ज्या इवः त नं बुँज्या नपां स्वापु तयो याडगु पक्का हे जुल । उकीं भीगु संस्कार संस्कृति, रहन सहन, तिसा-वस (भेषभुषा) नसा त्वँसानं फुकक बुँज्या नपां हे स्वापु तयो दय्क तःगु जुल । अथे धाय् थानाया वातावरण भौगोलिक स्थिति अलय् मौशम नपां थुइकः याड तः गुलिं थुकिता वैज्ञानिक ढङ्गं दय्क तःगु काथं थौं तक डाल वयो च्वंगु खः ।

संस्कार-संस्कृति ई काथं हिल वयफः । मचाबलय्या नं सुरुव तः हिडानिं चिच्यापातकीं मफ्युथे ई नपां काथं मछिंगु संस्कार नं ताड वानिगु पक्का नं जुल । अलय् काथं मछिंथाय् गनां च्याड तै । न्हँगु पुस्ताता लः ल्हाडः म्वाक तै । थ्व हे प्रक्रिया चाहिल च्वनी । जीवन न्ह्याडः च्वनी । थःगु जीवन दर्शन ब्वयो च्वनी । अथेनं रुढिवादी संस्कारं हाँगः कायलागु समाजय् श्राद्धबलय् भौचा चियगु संस्कार थें थः मजुयमः धाय्गु खाँ ब्याकय्गु ज्या समाजया न्ह्यलुवा तय्सं याडं तुं च्वनय् मः । ध्वाथुइकः समाजता हःनय् यंकेगु ज्या सःस्यु व थू पिसं ग्वाक - ग्वाकं तुं यंक्यमः । मखुसा समाज क्वपुलांगु रुढिवादी संस्कारय् ह्वकदुड तुं च्वनि । अलय् समाजया बांलागु पक्षता धःसा नाः बियो सिमाचा स्वंमा बिचः याड तः थें बिचः याड तय्मः गुकीं भीगु म्हासिइका पिब्वयो च्वनि ।

असारया बाम्हासीक्क ज्या सानय् धुंकः नय्गु तियगु हे था-थेकाना मदय्क ज्या सानय् धुंकः छुं भाति फुसद दैगु थुगु साउन महिनाय् समायाय्गु थी थी द्योकय् वानय्गु ज्या याई । साउनया सोमबारया दिनसं महाद्योया पुजा याडः व्रत च्वड शाकाहारी जुइगु चलन दः । थुगु इलय् निसें चतुर्मास व्रत नं च्वनय्गु याई । श्रावण महिनाय् सुर्य कर्कट राशीखय् वैगु दिनय् भगवान बिष्णु क्षिर सागरय् शयन यो वानिगु धायो हरि शयनी एकादशी खुनुं तुलसी पिइगु चलन दः । तुलसी धार्मिक रुप पीसां थुकिया वैज्ञानिक महत्व धःसा अपलं दःगु खाँ आयुर्वेदिक व होमियोप्याथिकया ज्ञाता पिसं धायो तःगु दः । थुगु खाँ अपलं शास्त्रय् ऋषि मुनि पिसं धायो तःगु काथं च्वयो तःगु नं दः । तुलसीया हिन्दु शास्त्रय् तस्कं च्वय तयो

तःगुलिं नं तुलसीया महिमा अपलं दःगु खाँ सियदः । शास्त्रखय् च्वयो तः काथं थुगु तुलसी स्वसगू स्वयो अपः आयुर्वेदिक वास खय् छय्लः च्वंगु खाँ च्वयो तःगु दः ।

तुलसी छँ हः नय् मथ दय्कः वा कःसि गमलाय् पिड पूजा याइगु चलन दः । छाय्धःसा थुगु तुलसी सुथाय् अक्सिजन बिइगुलीं वलाग सिमा चाहय् थें तुलसीमा चाहिलिइगु याई । तुलसीमा थिइक सर्प मवइगु थुगु तुलसीमाया क्वय च्वंगु सामान मथां ध्वमगिइगु धायो सीम्हा मनूता तुलसी तकिगु, तुलसीमाया क्वय ग्वः तुकीगु चलन याडः तःगु खै । अलय् साउन महिनाय् अनेक कीचात वैगुलिं तुलसी थिइक कीचा मवैगु खाँ नं धायो तःगु दः । अलय् थुगु इलय् हैजा, भ्राडावान्ता वैगुलिं महाद्यो व क्षिर सागरय् शयन याड च्वम्हा भगवान बिष्णु शाकाहारी द्यो काथं हछ्याड शाकाहारी जुइकेगु काथं भी पुर्खा धायो तःगु जुई । उकीं निश्वास जू पिन्ता तुलसीमाया क्वय तः बलय् अक्सिजन बांलाक दयो सास ल्हागु खाँ न्यनय् बलय् अक्सिजन प्लान्ट थें च्वं तुलसी ।

तुलसी वनस्पति जगतया दकलय् बांलागु वनस्पति काथं कायो तःगु दः । पाश्चात्य संस्कारया मनिप्लान्ट, रबर प्लान्ट, थी थी वनस्पति पियगु थौं या शौख स्वयो स्वस्थ वातावरण याड तइगु तुलसी पियगु याः सा तस्कं बांलाई । छाय् धःसा तुलसी तस्कं सौन्दर्य वर्द्धक नं जू ।

साउन महिनाय् सुजद्यो व चन्द्रमाया तेज नं उली मदैगुलिं भीगु पाचन शक्ति नं बमलाइगु धायो थुगु इलय् अपलं तागतिलो बस्तुत मनयता व्रत च्वनय्गु यागु धाय्गु नं गुलिं थू पि सं धायो वगु खाँ सत्य थें च्वं ।

असार १५ गते धौबजी नः थें साउनया १५ गते तस्मी (खिर) नैगु चलन नं दः । अथेनं साउन महिनाय् अपलं दुरु धौ मनसां बांला धाई । अलय् मनसिं च्वनकिं नं मनूया स्वास्थ्यता मःगु पौष्टिक तत्व मगाड मन् बिरामी जुयफःगु खाँ याता बिचः याडः इलय् ब्यलय् पौष्टिक आहारा नय्गु याडः तःगु जुई ।

साउन महिनाय् थी थी जलचरप्राणी डा, उभयचर प्राणी ब्यां, सर्पत प्याहाँ वैगुलीं अमिगु विष ल्हवयो तकय् यो धायो तरकारी म्हवँ जक नयगु वा मनयगु, नय् मःसां मस्यूसिं छुं हे मनयगु नं धायो तःगु दः । अकिं हे भी पुर्खा इयालं पिनय् लाभागाजः, प्याज (तुइगु विशेष) यखायो मल्ता मँः यखायो तयमःगु याड तःगु जुई । छाय् धःसा उगु थासय् सर्प वइमखु । थुगु इलय् अपलं सुकुक्क्यै नैगु व बुथुपाचु छँ सुचु धायो ग्वार्चा नैगुलिं पुर्खा दय्कः तकगु उखान काथं

वर्षा नै थाय् स्वय मज्यू, चिकुलां देनिथाय् स्वय मज्यू' दक उब्लेया गरिबीयाता स्वयो धायो तकगु जुयमः । गुगु साउन भदौ महिनाय् अपलं सिसि कःकः जुई ।

असारं पुखुया नाः हवलः जूसां वा पिङ्गुलिं गुलिं पुखु सुई । अलय् साउनया बः लं ध, भेटय् फुक्क च्चुइक पुखुली मुनय् यंकी । पुखुली नाः जायो बय् खं हायो वानी । थुगु यलय् पुखुया क्वय् भेटें जाइगु लि पलेस्वां पियगु नं याई । प्रकृतिया उगु नियम याता थुइकः मन् तयसं थःगु ज्या न्ह्याकः च्वनि । गुगु हवःगु पलेस्वां गुन्ही पुन्हीबलय् ताहा साँ खय् तयो यंकेगु याई । अजगु पुखुता बारे पुखु धाई । अः धः सा अजगु पुखु अपलं थासय् निजी याड मद्यक छ्वय् धुंकेगु दः । ख्वपय् धःसा नगरपालिकाया ग्वाहाली व स्थानीय जनताया मंकः कुतलय् पुखु म्वाकः ल्यंक भिंक तःगु दः सां पुखुली पलेस्वां पिङ्गु धःसा म्हवँ जुयो वानय् धुंकल ।

साउन महिनाय् गाठामगः चहे नं ला । थुगु नखा बुँज्यामि पिनिगु लागिं तस्कं महत्वपूर्ण जू । वापिज्या सिधय्कः सिन्हाज्या ब्यंकय्गु याडः छँ सुचुकुचु याडः म्हायाय् मचापुं सः त भवँ नकेगु नं याई । अलय् त्वालय् त्वालय् छ्वाली थयो गाठामगः दय्की । भाजं कपः हासाय् ख्वःपा च्वयो नः पः कथिखय् छ्वाली भुड स्वपा तुती दय्कः लूया लिङ्ग वा भोगत्या नेगः या अण्डकोष दय्क अशिलल काथं डाय्किगु थुगु संस्कारया विषय धःसा अपलं अनुसन्धान याय् बाकी दः नि । धण्टाकर्ण मचात नैगु धः सां थुगु इलय् हैजा, भ्राडाबान्ता वैगुलीं व वापिज्यां मचातय्ता बिचः याय् मलाइगुलिं कुपोषण (अरिं चःम्हा मचा) जुइगुलिं गाठामगः चहे बलय् दोकाय् छ्वय्कगु मि पांकः, छँ यंकः ला नकिगुलिं लांगु याता गाठामगया मिपांक लांगु धाय्गु या । अलय् चाकलीं गाठामगः उययंकीबलय् बाउँगु नःप छ्वयो अपलं कुँ जक वयो वहे कुँ खं पाँती च्वनय् मफैगुलिं उखय् थुखय् बिस्यु वानिगुलिं उखुनुं निसें पातीया वाँ छपु त्वः धुलिगु व गुन्ही पुन्हीया क्वाती खय् दुइ सीइगु धायोतःगुलि नागः पञ्चमी निसें लकस ख्वाउँयो वैगुलीं पाँती मदयो वानिगु खाँ मिलय् जू धाय्मः ।

संस्कार संस्कृति भीगु म्हासिइका खः । न्ह्यागु नं संस्कार व संस्कृति दुनय् लोकया नुगः खाँखं प्याडः च्वंगु मदइ हे मखु । जीवन भोगय् याय्गु इवलय् मनूया मनं अनेक निपंत याई । मनय् हे मरुगु कल्पनाहे मयागु दुःखया वाणं कः वइ बलय् अस्थिर मनयँ लुयो वैगु अनेक विश्वास-अन्धविश्वासया खाँ खं फांगां तपुथें तपुवई । अलय् वहे फांगां ख्वालय् थ्यंकः तपू वइ बलय् इतिमिति कांड अथेथथे मदय्क साड पिंकः छ्वगु फांगा चिलवाथें अथाहर वगु दुःख ज्यंकय्ता द्यो भाकल, अनेक वनस्पतिया छयला, अनेक जीव जन्तुया भोग, प्रकृतिपुजा थजगु अन्धविश्वासया दुनयँ विश्वासया हाँगः काकां वान । सञ्जोग वा अथें ई नपां लाड वांगु खाँयाता थमनं याडागु

अनेक विधि छम्हासिं मेम्हासिता कां कां वहे विधि खः धाधां समाजं कः घाड वान । अलय् गुलिं ऋषि मुनि, महात्मा वैद्यापिसं अपलं अनुसन्धान याड स्वयो अनुभव याड यंकल । तुलसी पियगु थ्व हे काथंया छगु ज्या खः । अथय् हे थःता मःगु सामानया निंतिं थः थमं थः थाय् पियगु व उकियाता साभा काथं गरिमयँ व लॉसिइ पिङः सकल सिता छ्वय्कय् वियगु पुलांगु चलन धःसा अः आधुनिकताया इलं ध्वाड यंकसेलिं थजगु ज्या बुलुहुँ ताड वान ।

गथेकी केतुकी, क्वल्हँपता माँ, याता काय्फः । नालुमा धःसा थःगु बुँई पियगु याई । गुगु चुयबलय् धमस्वाइगुलिं नालुकछी थें जक धाइगु या । अथे हे क्वल्हँपता दय्किगु क्वल्हँपतामाँ क्यातुबलय् निसें यखुयो तय्मः मखुसा गोलाकय् बलय् त्वः धुलिदक मचाबलय् निसें भिंगु लाँपुई यंकः तय्मः । मचाबलय् स्यडागु खाँ लिपा थ्यंक लुमांक तैगुली क्वल्हँपतामाया प्रतिक तस्कं ल्वय्कः छ्यल तः सां अः थ्व बुलुहुँ ताडः वांसेलीं भीगु चाकली मदयो नपां वान । केतुकी फिडः नालु दय्किगु अः मयाय धुंकल । अलय् मेडिकल वास व सेलिं नाव घायँ (पुदिना), ख्वलाचा घायँ, ज्वरया खाइगु घायँ वास, आलय् हः मा मदयो हे वान । अलय् न्हँगु पुस्तां थुगु वनस्पति नपां अपरिचित जू जू वान । 'वास प्रकृति हे दः' धाय्गु अनुसन्धानया खाँ त्वः फिडकः कतया भरय् नालुकथि चुयो मचात बलय हे यमखु से तयो तःपुं थौ या पुस्तां तुलसी पियगु नं धार्मिक चस्मां स्वयो भीयां आध्यात्मिक मखु भौतिकवादी धाधां द्योयाता ल्वहँ दक हाकुतिड छ्वइगु खःला ? अलय् थाय् थासय् चलं वानिगु न्ह्यााड वानिगु थासय् वलागः सिमा व बरमा पिङ होम याड, विति ब्यवहार याडः, पिङः चौतारी दय्कः लायँ वैपिन्ता भ्रासुलांकेगु थाय् दय्किगु नं धर्मया नामय् अन्ध विश्वासया गालय् थुडः यंकल धःसा छगु वैज्ञानिक ज्या काथं स्वापु दःगु ज्या नं क्वः दयो वानिगु खःला ? गुकी ताः ताः पाकं वैपुं बोहचा तय्गु छँ हे मदैगु खः ला ? अथेहे ब्वड, तुंथी, ल्वहँहिंति थजगु थासय् पुड है घाय्गु छ्याच्वः दुनय् नं अन्धविश्वास स्वयो वैज्ञानिक हे अपलं दःगु थुइकय् मः । नाः या स्रोत दःगु थासय् फोहर याः सा अपलं मन् तय्ता ल्वचं कैगु खाँ याता बिचः याडः थथे सावधानी याड तःगु खः दक थौ या न्हँगु पुस्तां थुइकय् मः । अलय् कःसि थी थी क्याकतस जातया काँ पियगु ज्या खं मना (चट्याड) जुइ मखु धाय्गु खाँ खय् सत्यता दः थें तुलसी पियगु ज्या खं धार्मिक कम वैज्ञानिक अप्वः धाय्गु खाँ थुगु साउन महिनाय् थुइकः उगु ज्या हछ्याय् फःसा (मौशम) लकस जक मखु उकियाता छ्यलः थी थी आयुर्वेदिक वासकाथं नयो स्वस्थ जुयतानं ग्वाहाली जुइगु खाँ लुमांकः तुलसी पिय । थुःगु संस्कार संस्कृति दुनयँ मिखा तिसिड धार्मिक जक मखुसँ वैज्ञानिकताया धर्की चाय्कः स्वतः धःसा भी भीगु पुर्खा अलय् भीगु म्हासिइका भन भन प्वाला प्वाला थिड वै ।

खुप नगरपालिकाया ज्या भवः त

मचा बलय् हे इहिपा मयाकय्ता प्रवचन

साउन १

खुप नगरपालिकाया उप-प्रमुख रजनी जोशीया मू पाहाँलय् मचाबलय् हे बियो छवैगु, ब्योह याइगु ज्या दिकय्ता समूदाय् हे छ्यलय्मः धाय्गु विषय प्रवचन ज्या इवः जुल ।

उगु ज्या इवःसं उप-प्रमुख रजनी जोशी जुं मचाबलय्हे इहिपा याइगु पुलांगु चलनं मचा व मांया स्वास्थ्यसं बांमलागु लिचव लाइगुलिं थव विषय सकल अभिभावक पिसं बिचः याय्मः धायो दिसं इहिपा जुइपिनिगु शारीरिक व मानसिक विकास नपां बौद्धिक विकास जुय धुंक जक इहिपा याय्मः धायो दिल ।

सिद्धिगणेश हलय् जूगु उगु ज्या इवः सं ७ वडाया वडाध्यक्ष उकेश कवां नपां नर्स मुना लवजुनं न्वचु तयो द्युगु खः ।



सर्वोच्च अदालतं प्रधानमन्त्री ल्योगु व्यवस्थापिकाता लाहावागु

खुप नगरपालिकाया प्रमुख नपां नेपाल मजदुर किसान पार्टीया केन्द्रीय दुजः सुनिल प्रजापति जुं सर्वोच्च अदालतं प्रधानमन्त्री ल्यय्गु शक्तिपृथकीकरणया सिद्धान्तया अखः नपां व्यवस्थापिकाता लाहा वागु थें खः धायोदिल ।

खुप नगरपालिका वडा नं. ३ या गवसालय् श्रावण २ या भ्रष्टाचार विरोधी आन्दोलनया लुमन्ति जूगु प्रवचन ज्या इवः सं

लगय् मजुइगु खाँ मिलय् मजुगु गुकी राजनैतिक दलय् अराजकता डाडः वानि, सांसदत न्याय मियगु ज्या हकनं याई धायो दिल ।

वयकलं सांसद अपहरण, जम्बो मन्त्रीमण्डल गठन, राष्ट्रघाती एमसीसी सम्झौता याम्हा देउवा न्हापायाय्गु इतिहास प्वलः स्वयबलय् व छम्हा नालायक पात्र खः धायोदिसे ललिता निवास प्रकरणया दोषी बिस्वू वाडः च्वम्हा विजय गच्छदारता

धरौती त्वः तगु व अफताव आलम त्वः तय्गु हल्लां देशय् हकनं अराजकता सुरु जुइगु लक्षण खानय् दत धायो दिल । नपां पुँजीवादी व्यवस्थाय् सरकारं हे भ्रष्टाचारीपिन्ता पाखुयो तैगु खानय् दःगु लिं राजनीति भ्रष्टाचारी, तस्कर गुण्डागर्दी व ठेकेदारतय्गु लाहातय् लः वांगुलीं जनता सचेत जुयमः धायोदिल ।

ज्या इवःसं नेपाल मजदुर किसान पार्टी नगरसमितिया दुजः गंगाराम ज्याख्व जुं २०५५ साल साउन २ गते या भ्रष्टाचार विरोधी आन्दोलनं थुइकः न्हुंगु पुस्ताता काडः संघर्षया भावना ब्वलांकः हछ्याड यंकय्मः धायोदिल ।

स्थानीय वडाया रामहरि गोरा, रामसुन्दर खाताखो व सुनिता अवलं नं भ्रष्टाचारया थी थी पक्षया खाँ कुल द्युगु उगु ज्याइवः सं राजकृष्ण गोरा जुं सभानायोया भाला, कुबियो द्युगु खः ।



वयकलं प्रतिनिधिसभा पाखं विश्वासया मतमकः तलय् देउवा सिन्धुं तिकः हःम्हा प्रधानमन्त्री खः धायोदिसे दलीय व्यवस्थाय् दलयाह्विप

कर्मचारी पिन्ता साङ्केतिक भाय्या तालिम

साउन ३

खप नगरपालिकाया ग्वसालय् लच्छीया सांकेतिक (लाहाभाय् याड थुङ्कय् बियगु) भाय्या तालिमया उलेज्या यासे खप नगरपालिकाया उप-प्रमुख रजनी जोशी जुं नगरपालिकाया शाखाय् ज्या साङ्केतिक चवंपुं कर्मचारीपिनिगु लागिं साङ्केतिक भाषा



तालिम हयागु खाँ ब्याक दिल । वयकं अपाङ्गता जूपुं मनू तय्गु म्हासिङ्का पौ इय्गु सम्बन्धी अस्थायी समन्वय समितिया कजि जूगुलिं थुगु समितिपाखं अः तक खय् ५२९ म्हा सिनं अपाङ्गताया म्हासिङ्का पौ काय धुंगु खाँ ब्याकसे अपाङ्गता जूपिनिगु लागिं कासा, स्वास्थ्य शिविर व अकिता ग्वाहाली जुङ्गु सामग्रीत इङ्गागु खाँ नं ब्याक दिल ।

ज्या इवःसं मेम्हा पाहाँ महानगरीय प्रहरी परीसर खपया प्रहरी उपरीक्षक शिव कुमार श्रेष्ठ जुं तालिम व सूचं खं फुक्क पक्षया विकास याय्ता ग्वाहाली जुङ्गु व गुकी सीप क्षमता अप्वङ्गु नपां सकारात्मक ह्यूपा हैगु खाँ ब्याक दिल । ज्या इवःसं खप नगरपालिका वडा नं. १ या वडाध्यक्ष श्याम कष्ण खत्री जुं नं न्वचु तयो द्यूगु खः ।

अपाङ्गता जूपिनिगु अधिकार सम्बन्धी ऐन काथं ख्वायँ पुं मेपुं नागरिकपिसं थें सूचं काय्ता भाय् खं हे समस्या जुङ्गुलिं समस्या वैगु नपां सूचं काय् मफैगुलिं खप नगरपालिकाया थी थी शाखां नीम्हा कर्मचारी पिन्ता तालिम ब्यूगु खः ।

सिमाचा पियगु ज्या इवः

साउन ३

खप नगरपालिका वडा नं. १० या वडाध्यक्ष लक्ष्मी प्रसाद ह्योमिखाया न्ह्यलुवाय् कमल बिनायक आवास क्षेत्रे स्थानीय पिनिगु ग्वाहालीखय् सिमाचा पियगु ज्या जुल ।

वडाध्यक्ष ह्योमिखा जुं समूदायया मनूत हे खाँ थुङ्कः लकस वाउँसे च्वंकः तस्कं बांलाक तय्ता हज्याङ्क च्वंगु तस्कं च्वछाय् बहुगु खाँ खः धायोदिसे कोरोनाया इलय् अक्सिजन मदयो अपलं मनूत सीगु खाँ कुल दिसे सिमां अक्सिजन बिङ्गु खाँ थुङ्कय् बियो थजगु ज्या साङ्केतिक मन्तय्ता स्वस्थ याय्मः धायो दिल । वयकलं गुं छ्याङ्कः गुं मदैबलय् थजगु समस्या वैगु खाँ ब्याकसे खप नगरपालिकां अक्सिजन प्लान्ट दय्क बलय् अपलं जनतां ग्वाहाली यागु खाँ च्वछायो दिल ।

ज्या इवःसं स्थानीय पासा कृष्ण नारायण दुमरु नं न्वचु तयो द्यूगु खः सा थयं मथ्यं स्वीमाति सिमाचात पीगु खाँ ब्याकसे नगरपालिकां ट्री गार्डेन व सीमाचा त ब्यूगु खाँ वडा निरिक्षक रामकृष्ण प्रजापति काङ्क द्यूगु खः ।



बागमती प्रदेशया मुख्य मन्त्री ख्वप नगरपालिकाय्



साउज ४

बागमती प्रदेशया मुख्य मन्त्री डोरमणि पौडेल व ख्वप नगरपालिकाया प्रमुख सुनिल प्रजापतिजु नगरपालिकाया सभाकक्षसं सोमबार नपालाड दिल् । नपालाय्गु इवल्य् सांस्कृतिक नगर ख्वपय् प्रमुख प्रजापति जुं स्वम्हु बियो तक्वातपुली पुइकः खादा ड्युकः लसकुस याड दिल् ।

नपालाय्गु इवल्य् मुख्य मन्त्री पौडेलं ख्वप नगरपालिकापाखं न्ह्याक च्वंगु ख्वप अस्पतालता नं थी थी ल्याखं ग्वाहाली याय्गु खाँ ब्याकसे प्रदेश सरकारं प्रदेशया फुक्क अस्पतालय् मः काथंया स्वास्थ्य सामग्री व मःगु ग्वाहाली याड वयो च्वडागु खाँ ब्याक दिल् । ख्वप नगरपालिका मेगु नगरपालिका स्वयो बिस्कं म्हासिइका पिब्वयो वयो च्वंगु नगरपालिका खः धायो दिसे मेमेगु स्थानीय तहलं स्वयो ख्वप नगरपालिका शिक्षा, स्वास्थ्य, सम्पदा म्वाकः तय्गुली अलय् पर्यटन उद्योगया विकासय् च्वछाय् बहगु ज्या यागु खाँ वयकलं कुल दिल् । वयकलं बागमती प्रदेशं छतिं हे छुं हे मरुगु थासं पला न्ह्याकगु खाँ ब्याकसे अः ऐन नियम दयकः प्रदेशता ब्यवस्थित यायां यंकागु खाँ ब्याकसे संघ प्रदेश व स्थानीय तहया मंकः कुतलय् समृद्ध नेपः व सुखी नेपःमिया राष्ट्रिय लक्ष्यता ज्वड हज्याक यंकय्ता ग्वाहाली जुइगु बिचः प्यंकः दिल् ।

वयकलं भीकय् दःगु स्रोत साधनता अपलं अपः छ्यलः (सदुपयोग याड) स्वंगु तहया सरकारं थः थः गु क्षेत्रया माथां वांकः विकास याय् फःसा देशय् धाल्ये माथां वांक विकास जुइगु खाँ प्वंक दिल् ।

देशया फुक्क स्थानीय तहया थः थः गु विशेषता क्षमताखय् साधन व स्रोत या उपलब्धी बिस्कं बिस्कं जुइगुलिं विकासया मोडलत नं बिस्कं बिस्कं जुइगु खाँ ब्याकसे वयकलं थः ता मः काथंया विकास योजना ग्वसः ग्वयो छ्यलय् मः धायो दिल् ।

नपालाय्गु इवल्य् नगर प्रमुख प्रजापति जुं ख्वप नगरपालिकाया बः चा हाकलं विशेषता न्ह्यब्वसे नगरपालिका शिक्षा, स्वास्थ्य, सम्पदा म्वाक तय्ता विकास निर्माणया ज्या, सुचुकुचु लागाय् याड च्वंगु ज्या व उकिया प्रगति व उपलब्धीया खाँ

काड दिल् । ख्वप नगरपालिका पाखं न्ह्याक च्वंगु ख्वप अस्पताल दय्केता, उपकरण न्याय्ता प्रदेश सरकार पाखं आर्थिक ग्वाहाली दैगु बिचः प्वंक दिल् ।

वयकलं 'फःपुं सक्षम स्थानीय तहता विश्वविद्यालय न्ह्याकय्ता अनुमति वियमःगु खायँ बः ब्युसें ख्वप नगरपालिकां ख्वप विश्वविद्यालय चाय्कः समाजता बुद्धिजीवी करण याय्गु उद्देश्य ज्वडः हज्याड च्वंगु दः' धायो दिल् ।

प्रमुख प्रजापति जुं २०७२ सालया तः भ्वखाचां स्यंकगु सम्पदाता भीगु हे मौलिक पहलं हे ल्हवनय् कानय् व दानय्गु ज्या जुयो च्वंगु अलय नगरपालिका दुनयँ भीगु थःगु हे पहलं छँ दानिपिन्ता अनुदान बियो उत्साहित याडः हयागु खाँ ब्याक दिल् ।

ख्वप नगरपालिकां छँ छँ नर्सिङ सेवा सञ्चालन, त्वालय् -त्वालय् धेवा म्वायकः खुल्ला ब्यायामशाला चाय्कः तःगु गरिब व जेहेन्दार ब्वनामिपिन्ता डागू लाख तका दां तकया शैक्षिक ऋण, इतिहास, भूगोल, राजनीति शास्त्र, संस्कृति, नेपाल भाषा ब्वनिपुं ब्वनामि पिन्ता छात्रवृत्तिया ब्यवस्था याडः च्वंगु खाँ काड दिल् ।

नपालाय्गु इवल्य् मुख्य मन्त्री डोरमणी पौडेल नपां बागमती प्रदेश सभाया दुजः दिपक निरौला नपांया प्रतिनिधि मण्डलया पुचः ख्वप नगरपालिका पाखं न्ह्याक च्वंगु ख्वप मा.वि., ख्वप कलेज, जनस्वास्थ्य सेवा केन्द्र, ख्वप अस्पताल, ख्वप अस्पताल कोभिड युनिट, ख्वप इञ्जिनियरिङ् कलेज व ख्वप कलेज अफ इञ्जिनियरिङ् स्थलगत अवलोकन भ्रमण याड दिल् । स्वः भ्याय्गु इवल्य् मुख्य मन्त्री डोरमणी पौडेल जुं नगरपालिका पाखं न्ह्याक च्वंगु कलेज व अस्पतालाया विषयलय् थी थी न्ह्यसः न्यड दिसे अस्पताल व कलेज पाखं बियो च्वंगु सेवा सुविधाया बारे जानकारी कायो दिल् ।

नपालाय्गु इवल्य् नेमकिपा बागमती प्रदेशया दुजपुं नेम्हा सुरेन्द्र राज गोसाइँ व सृजना सैज, ख्वप नगरपालिकाया उप-प्रमुख रजनी जोशी, ख्वप नगरपालिकाया वडाध्यक्षपुं कार्यपालिकाया दुजःपुं प्रमुख प्रशासकीय अधिकृत रामलाल श्रेष्ठ पुं नं भ्यायो द्यगु खः ।

का. रोहित नपां बागमती प्रदेशया मुख्यमन्त्री पौडेल



साउज 8

नेपाल मजदुर किसान पार्टीया नायो भाजु नारायणमान बिजुक्छें (का. रोहित) जु नपां बागमती प्रदेशया मुख्य मन्त्री डोरमणि पौडेल जुं नपालाड दिल् ।

नपालायगु इवल्य नायो भाजु का.रोहित जुं स्थानीय तहता पूर्ण स्वायत्तता बिय मःगु पक्षख्य नेपाल मजदुर किसान पार्टी मदिक बः बियो वयो च्वंगु खाँ काड दिसे प्रदेशं थःगु क्षेत्रया विकास याय्ता स्पष्ट योजना दयकः हज्याय्मः धायो दिल् । प्रदेश व स्थानीय तहं केन्द्र या भरय च्वङ्गुः मच्वसें थःगु तृतिख्य चुयो विकास याय्मः धायोदिसे नायो भाजु बिजुक्छें जुं स्थानीय तहलं न्हँ न्हँगु स्रोत माल हज्याय्मः धायो दिल् । वयकलं भ्रष्टाचार पानय फःसा तस्कं बांलाइगु खाँ ब्याकसे वामपक्ष याय्पुं त्याकः वगु प्रदेश व स्थानीय तहल्य इमान्दारीपूर्वक बांलाक ज्या जूसा जनतां सुख सिङ्गु खाँ काड दिल् ।

मुख्यमन्त्री पौडेल जुं थः कय ता ई तक स्थानीय तहख्य

ज्या साडागु अनुभव दःगु खाँ ब्याकसे थः स्थानीय तहता पूर्ण स्वायत्तता बियमःगु पक्षय् दःगु खाँ ब्याक दिल् ।

खप नगरपालिकां शिक्षा व स्वास्थ्यया लागाय् याड च्वंगु, यागु प्रगतिया बारे अध्ययन अवलोकन याय् खांगुलीं लय्ता प्वंकसे प्रदेश अस्पतालय् ध्यान वां थें खप अस्पतालय् थः पिनिगु ध्यान मवांगु खाँ स्वीकार याड दिल् । वयकपिनिगु दथ्वी देया हिल वयो च्वंगु राजनीति विषय नं छलफल जगु खः ।

नपालायगु इवल्य प्रदेशया सांसद पुं सुरेन्द्र राज गोसाईं व सृजना सैजु व एमाले प्रदेश सभाया दुजः दिपक निरौला, नगरप्रमुख सुनिल प्रजापति व उप-प्रमुख रजनी जोशी नं नपां भःगु खः ।

नपालाय् हाँ मुख्य मन्त्री पौडेल जुं खप नगरपालिका, खप कलेज, खप अस्पताल, खप अस्पताल कोभिड युनिट व खप इन्जिनियरिङ्ग कलेजया अध्ययन अवलोकन याड दिसे थी थी पक्षया जानकारी नं कायो द्यूगु खः ।

विश्वकर्मा आगंछें दां थाय् स्वः भाल

साउज 3

खप नगरपालिकाया नगर प्रमुख सुनिल प्रजापति जुं खप नगरपालिका वडा नं. ६ तुछिमलाय् च्वंगु स्वस व हिंच्यादा पुलांगु ऐतिहासिक विश्वकर्मा आगं छें (टेराकोटा इयो दःगु) दानयगु ज्या या आना हे भायो स्वः भाल । उगु आगं छें दानयगु इवल्य आइतबार प्वहँ चियगु ज्याख्य आनाया स्थानीय जनतां जनश्रमदान यागु जुल ।



प्रजग कोरियाया महामहिम राजदूत जो योड मान खप नगरपालिकाय्

साउज ७

खप नगरपालिकाया प्रमुख सुनिल प्रजापति जु व नेपः या लागिं प्रजग कोरियाया महामहिम राजदूत जो योड मान खप नगरपालिकाय् नपालाड् दिल । प्रमुख प्रजापति जुं सांस्कृतिक नगर खपय् राजदूत मानता स्वंहू लः ल्हाड् दिसे खादा क्वखाय्क तक्वातपुली पुड्कः लसकुस याड् दिल ।

नपालय्गु इवलय् नगर प्रमुख प्रजापति जुं खपया बःचा हाकलं म्हासिड्का काड् दिसे थानाया विशेषता छसिकाथं ब्वयो द्यूगु



खः । वयकलं नगरपालिकां शिक्षा, स्वास्थ्य, सम्पदा ल्यंकः म्वाकः तय्गु, विकास निर्माण, सुचुकुचु थजगु लागयाता हदाय तयो जनताया सेवा याड् वयो च्वंडागु खॉ नं ब्याक दिल ।

खप नगरपालिकाय् फुक्क जनप्रतिनिधिपुं नेपाल मजदुर किसान पार्टी पाखं त्याक वः पुं खः धायोदिसे नेपाल मजदुर किसान पार्टी व कोरियाली मजदुर पार्टीया दथ्वी बांलागु स्वापु दःगु खॉ ब्याक दिल ।

वयकलं प्रजग कोरिया व कोरियाली जनताया साम्राज्यवादी विरोधी भावनाया बारे च्वयो तःगु पार्टीया थी थी पिथनात नपां खप नगरपालिकाया पिथना भक्तपुर लय्पौ पाखं पार्टी कार्यकर्ता व जनताता जानकारी ब्यू ब्यू वयो च्वंगु खॉ ब्याक दिल ।

किम इल सड् कोरियाली जनतायाय्म्हा जक नेता मखुसे संसारभरया ज्या साड् नैपुं सकल ज्यापु-ज्यामिया जनताया प्रेरक ब्यक्ति खः धायो दिसे चिच्याहांगु देश खः सां नं प्रजग कोरियां तस्कं बल्लागु देश सं.रा. अमेरिकाता चुनौती बियो हलिमयया अपलं लिपा लाडः च्वंगु विकासोन्मुख देशता घ्वासा बियो च्वंगु धायो दिल ।

प्रजग कोरियाया महामहिम राजदूतपाखं प्योडयाड् शहरया

मेयर जु याता भिन्तुना नपां लसहना (बधाई) थ्यंकः बियाता इनाप यासे वयकलं नेगुपक्षया दथ्वी नपालाड् बिचः त काल बिल याड् देया स्वापु नपां जनस्तरय् क्वातुयो वानिगु विश्वास प्वंकः दिल ।

नपालाय्गु इवलय् राजदूत मान जुं सांस्कृतिक व ऐतिहासिक नगरया खप नगरपालिकाय् मैत्रीपूर्ण भ्रमण याय् दःगु लि लय्ता प्वंकः दिल । वयकलं प्रजगकोरियाया विकासया आधारत मेमेगु देशता नं इयगु मति दःगु खॉ ब्याकसे सकल कोरियाली जनता समाजवाद निस्वानय्ता छप्पा छधि जूयो ज्या साडः च्वंगु खॉ नं ब्याक दिल ।

किम जोड् उनया न्ह्यलुवाय् प्रजग कोरियाय् फुक्कज्यात तस्कं बांलाक हज्याड् च्वंगु खॉ काड् दिसे वयकलं प्रजगकोरियां जनतात निः शुल्क शिक्षा, स्वास्थ्यया ब्यवस्था याडः च्वंगु मचातय्गु सर्वाङ्गिन विकास नपां मेमेगु फुक्क लागाय् नं बांलाक विकास जुयो च्वंगु खॉ ब्याक दिल ।

खप नगरपालिकां न्ह्याकच्वंगु छँ छँ नर्सिड् सेवा जनमुखी ज्या खः धायोदिसे वयकलं नगरबासी पिनिगु जीवन स्तर च्वजाय्केता नगरपालिकां याडः

च्वंगु ज्या च्वछाय् बहज् धायोदिल ।

नपालाय्गु ज्या इवः धुंकः राजदूत मान, सल्लाहकार किम जोन ह्योक व एम्बेसी अफिसर पिक जिन ह्योक नपांयापुचः ता नगर प्रमुख प्रजापति जुं खपया लोकं ह्वागु जुजु धौ फिड्गु थासय् ब्वडः यंकः धौ फिड् च्वंगु क्यड् दिल ।

वहे इवलय् वयकलं खप नगरपालिकापाखं न्ह्याक च्वंगु खप इञ्जिनियरिड् व खप कलेज अफ इञ्जिनियरिड् कलेजय् नं ब्वडः यं कगु खः । धौ फिड्थाय् स्वय धुडानिं राजदूत मानं थी थी मनया खॉ नपां थुकिया विशेषता न्ह्यसः तयो द्यूगु खः सा खप इञ्जिनियरिड् कलेजया साफूकुथि प्रयोगशाला नपां थी थी थाय् स्वयो द्यूगु खः ।

वहे इवलय् नेमकिपा बागमती प्रदेशया सभासद सुरेन्द्र राज गोसाईं, खप नगरपालिकाया उप प्रमुख रजनी जोशी, प्रमुख प्रशासकीय अधिकृत रामलाल श्रेष्ठ नपां दःगु खः । नगर प्रमुख प्रजापति जुं राजदूत मानता खपया लोकं ह्वागु म्हवय्खा इयो व नगरपालिकाया पिथनात उपहार काथं लः ल्हाड् द्यूगु खः ।

१० वडाय स्वास्थ्य केन्द्र निरीक्षण



साउन ६

खप नगरपालिकाया प्रमुख सुनिल प्रजापति जुं खप नगरपालिका वडा नं. १० महालक्ष्मी स्थानय् दाड च्वंगु स्वास्थ्य केन्द्रया न्हापांगु तल्लाया ढलान आना हे भायो स्वयो दिल ।

खप नगरपालिकाय् जानसेन खोप

कोभिड १९ विरुद्ध जानसेन खप नगरपालिकाया फुक्क वडाय साउन ५ व ६ गते याड खोपकेन्द्रय ब्यूगु जुल । न्हापांगु दिनय वडा नं. १ या भार्वाचो, २ या टुरिष्ट बसपार्क ब्यासी, ३ वडा कार्यालय, ४ तालाक्व व ५ वडाय भगवती स्थानय् खोप केन्द्रय खोप



ब्यूगु खः सा साति खुन्हुं बाकी वडाय बिई ।

जानसेन खोप बियगु ज्या इवः काथं सातिखुन्हुं अथे धाय्गु न्हिल्या २०७८ साउन ६ गते खपया ल्यंदःगु ६ वडा निसैं १० वडाया नगरबासी पिन्ता खोप ब्यूगु खप नगरपालिकां जानकारी ब्यूगु खः ।

खप नगरदुनयँ भेरोसेल खोप



निरीक्षणया ठवलय् प्रमुख ज्यू

खप नगरपालिकां स्वास्थ्य व शिक्षा लागाय् हदाय् च्वडः ज्या साड च्वंगु खाँ सकसिनं स्यू । खप नगर दुनय् कोभिड १९ विरुद्धया भेरोसेल खोप बियगु ज्या क्वचाल ।

उगु खोप नेन्हू यंक वडा नं. १ निसैं ५ तक असार ३० गते व ६ निसैं १० तक असार ३१ गते वडाया खोप केन्द्रे न्ह्याकगु खः । उगु खोप केन्द्रे भायो खप नगरपालिकाया प्रमुख सुनिल प्रजापति जु व उप-प्रमुख रजनी जोशी स्वभःगु खः ।



निरीक्षणया ठवलय् उप-प्रमुख ज्यू

खप नगरपालिकां ब्यवस्थित रुपं खोप बियो च्वंगु नपां नगरपालिकाया छगू छगू वडां थःगु खोप केन्द्रे सकलं नगरबासी पिन्ता सम्मान पूर्वक तयो खोप बिइकगुलि नगरबासीत तस्कं लय् तायो च्वंगु दः । नपां खप नगरपालिकाया प्रमुख प्रजापति जु व उप-प्रमुख जोशी जु थःहे खोप केन्द्रे भायो आनाया ब्यवस्था स्वयो मचः मगागु दः सा सल्लाह नपां बियो द्यूगुलिं सकल नगरबासी पिसं सुभाय् देछायो च्वंगु दः ।

का.रोहितनपां नेपःया लागिं प्रजगकोरियाया राजदूतं नेपालातः

साउज ७

नेपाल मजदुर किसान पार्टीया नायो भाजु नारायणमान बिजुक्छं (का.रोहित) जु नपां प्रजातान्त्रिक जनवादी गणतन्त्र कोरियाया महामहिम राजदूत जो याड मान नपा लाड दिल ।

नेपालायगु इवल्य नायोभाजु बिजुक्छं जुं हलिमय महामारी काथं डांकः डाडः पुडः वयो च्वंगु कोभिड १९ या भवः ल्वचं पाड तयता नेपाल मजदुर किसान पार्टीया कार्यकर्तापुं चां न्हिं मधः सें जुयो च्वंगु खाँ ब्याकसे कोभिड १९ या महामारीया दश्वी नेपः मि पिसं समाजवादी व पुँजीवादी व्यवस्थाय गुलि पाइगु धायगु खाँ

सरकारया तः हांगु लाहादःगु खाँ नं काड दिल ।

वयकलं कम्युनिष्ट पिनिगु लागिं प्रजग कोरिया छगू (दापु) दसू थें जूःगु दे खः धायोदिसे किम जोन उनया न्ह्यलुवाय् कोरियां विकासयाड च्वंगुली लयता प्वंकः दिल । नेपालायगु इवल्य राजदूत मान जुं कोरियाली राष्ट्रपति किम जोन उन जुया न्ह्यलुवाय् साम्राज्यवादी देशत नपां मग्यासीं ल्वाय्गु साहस ब्वलांगु खाँ ब्याकसे संरा अमेरिकां प्रजग कोरिया नपां वार्ता याय्गु कुतः जुयो च्वंगु लि थः पुं वार्ता याय्गु सकारात्मक मति दःगु खाँ काडः दिल ।



थुडकेगु अवसर दःगु खाँ ब्याक दिल ।

वयकलं मित्रराष्ट्र चीनं नेमकिपा व खप नगरपालिका पाखं न्ह्याक च्वंगु खप अस्पतालता ग्वाहालीकाथं थी थी स्वास्थ्य उपकरणत ब्यगुलि जनताया सेवा यायता अः पुगु खाँ ब्याक दिल । कोभिड ल्वयया इलय् अपलं ल्वगित अक्सिजन मदयो सीगु खाँ न्हिथांसे वयकलं छुं नं दे भौतिक रुपं जक थाहाँ वांसां जनताया सेवा मजुइगु खाँ कोभिड महामारीं क्यंगु खाँ नं काड दिल ।

नायो भाजु बिजुक्छं जुं प्रजगकोरियां जनताता हदाय तयो ज्या साड च्वंगु हुनिं चाकमनं सफलता जुयो च्वंगु खाँ ब्याकसे प्रजग कोरिया कोभिड ल्वचं मपुकः मडांक च्वनय् फःगुलि कोरियाली

वयकलं भिं पिनिगु न्ह्यलुवा, छप्पा छधि जुयो न्ह्याब्ले मः थाय् साथ बिइपुं जनता व आणविक शक्तिया विकासं अः छुं नं देशय् प्रजग कोरियाता क्वछुकय् फैं मखु धायो दिल ।

प्रजगकोरिया सरकारं जनताता हदाय तयो जनताया सेवाखय् समर्पित जुयो ज्यासाड च्वंगु खाँ ब्याकसे राजदूत मान जुं नेमकिपां प्रजग कोरिया व कोरियाली जनताप्रति क्यड च्वंगु ऐक्यवद्धताया नितिं सुभाय् देछायो दिल ।

नेपालायगु इवल्य खप नगरपालिकाया प्रमुख सुनिल प्रजापति, वागमती प्रदेशया सभासद सुरेन्द्र राज गोसाइँ, कोरियाली राजदूतावास पाखं सल्लाहकार किमजोन ह्योक व एम्वासी अफिसर पिक जिन ह्योक नं भः गु खः ।

हवाड हवाड फल्चा निस्वान

साउज २

खवप नगरपालिकाया प्रमुख सुनिल प्रजापति जुं शनिबार खवप नगरपालिका वडा नं. १ सल्लाघारी च्वंगु रानीपुखु(न्हूँ पुखु) या दक्षिण पाख्य च्वंगु हवाड हवाड फल्चा निस्वाडः दिल । ज्या इवः सं नगर प्रमुख प्रजापति जुं २०७६ जेठ १५ गते निसैं ज्या

ब्याकसे खवप नगरपालिकां यँया रानीपुखु ल्हवनय् कानय्ता नपां गवाहली यागु खाँ कुल दिसे देशयाय् हे सम्पति म्वाकः ल्यंकः तय्ता खवप नगरपालिकां कुतः याडः, हज्याडः च्वंगु दः धायोदिल ।

खवप नगरपालिका वडा नं. १ या वडाध्यक्ष श्याम कृष्ण खत्री जुं खवप नगरपालिकां देगः, पुखु, फल्चा, सत्तः थजगु सांस्कृतिक

सम्पदा म्वाकः तय्गु व ल्हवनय्गु ज्या याड च्वंगु खाँ ब्याकसे अः मथां हे सर्वसाधारण आन्तरिक व बाह्य पर्यटक पिनिगु लागिं चाय्केगु याडः पुखुयाय् ज्या मथां सिधय्केगु काथं हज्याड च्वंगु दः धायो दिल ।

अथेहे इतिहासविद प्रा. डा. पुरुषोत्तमलोचन श्रेष्ठ जुं रानीपुखु दय्कगु न्हिल्या ७५० अथे धाय्गु वि.सं १६८७ खय् मल्ल जुजु जगज्योती मल्लं दय्के ब्यूगु खाँ कुल दिसे रानीपुखुया दक्षिण पाख्य च्वंगु हवाड हवाड फल्चाय् तयो तःगु ल्वहँ पौ (शिलापत्र) काथं उगु पुखुया नां पुस्करणी दक च्वयो तःगु खाँ काड दिल ।

रानीपुखुता न्हूँपूखु धायो वयो च्वंगु खाँ ब्याकसे इतिहासविद श्रेष्ठं रानीपुखु डाला दुनय् दय्कगु धायोदिसे दक्षिण

भागय् च्वंगु हवाड हवाड फल्चा २०५६ सालय् दूगु खाँ ब्याकसे खवप नगरपालिकां इतिहास म्वाकः ह्यता यागु सम्पदात ल्हवनय् कानय् ज्या तस्कं च्वछाय् बहज् धायो दिल ।

ज्या इवःसं नेमकिपा वडा नं. १ या पार्टी इन्चार्ज लक्ष्मी नारायण राजलवट, हवाड-हवाड फल्चा ल्हवनय् कानय् कार्यया उपभोक्ता समितिया नायो राजन कोजु, दुजः गारु व सूलोचना कोजुं नं थः थः गु नुगः खाँ तयो द्यूगु खः ।

थुगु फल्चा ल्हवनय् कानय्ता लागत इस्टिमेट ६१ लाख तका दः गु खाँ नं जानकारी बियो द्यूगु खः ।



न्ह्याकगु खवपया रानीपुखु ल्हवनय्गु ज्या न्ह्याकगु अः थयं मथ्यं क्वचाइ थें च्वनधायो दिसे प्रमुख जुं पुखां दय्कगु सम्पतिता पुलांगु भ्नीगु थःगु हे पहलय् दय्कः म्वाकः तय्गु ज्या खवप नगरपालिकां पू वांकः वयो च्वंगु खाँ ब्याक से इतिहास, भूगोल, संस्कृति विषयया जनशक्ति ब्वलांकय्गु मतिं उगु विषय ब्वनिपुं ब्वनामिपिन्ता छात्रवृत्तिया ब्यवस्था याड च्वंगु खाँ ब्याक दिल ।

खवपया रानीपुखुता हकनं म्वाकः तय्गु कुतःलय् नगरपालिका हज्याड च्वंगु खाँ ब्याकसे प्रमुख प्रजापति जुं लुयो वगु पुलांगु दसीयाय् लिधांसाय् पुलांगु पहलं हे पुखु दय्क वयो च्वंगु खाँ

पुखु निरीक्षण

भाजु पुखुया दश्वी जलेश्वर महाद्योया देगः दाडः च्वथाय् खवप नगरपालिकाया प्रमुख सुनिल प्रजापति जु स्वः भ्नाल । उगु पुखु खवप नगरपालिका वडा नं. १ दूधपाटी च्वंगु खः ।



उमा महेश्वरया मूर्ति लिता ह्यता मन्त्रालयपाखं पत्राचार

साउन १०

नगरपालिकाता पौ छ्वयो हःगु दः ।



संस्कृति, पर्यटन व नागरिक उड्डयन मन्त्रालयं उमा महेश्वरया मूर्तिबारे लैनसिंह बाडडेल जू पाखं पिथांगु 'द स्टोलन इमेज अफ नेपाल' धाय्गु साफ्या पाना १९६-९९ खय् उमा महेश्वरया विषय किपा नपांया बःचा हाकलं म्हासिडका च्वयो नपां पुरातत्व विभागं ब्युगु प्रतिवेदनया लिधंसाय् उगु उमा महेश्वरया मूर्ति नेपः याय्गु हे खः धाय्गु प्रष्ट जूगु दः । थ्वनं हाँ कान्तिपुर न्हि पौ खय् मूर्तिया बारे बुखाँ पिथानय्वं ख्वप नगरपालिकां फ्रान्सया पेरिसय् च्वंगु एशियाली कला सम्बन्धी

संस्कृति, पर्यटन व नागरिक उड्डयन मन्त्रालयं उमा महेश्वरया मूर्ति नेपालय् लिता ह्यो न्हापाया सम्बन्धित थासय् सुरक्षित काथं तय्ता नेपाल सरकारया पाखं म काथं ज्या हज्याकय्ता परराष्ट्र मन्त्रालय पाखं पेरिसय् च्वंगु नेपः या राजदूतावासय् समन्वयया लागिं न्हि ल्या २०७८ असार १६ गतेया निर्णय काथं पौ च्वयो जानकारी नपांया पुरातत्व अधिकृत अरुणा नःक मि जुं ख्वप

राष्ट्रिय संग्रहालय (गिमे म्युजियम) य् च्वंगु कैलाश पर्वतय् च्वय् च्वंडः च्वंगु १३ औं शताब्दीया उमामहेश्वरया मूर्ति १९८४मे २३ य् ख्वपया नासमना त्वालं तांगु उगु मूर्ति नेपाले लिता ह्यता न्हि ल्या २०७८ असार ३१ गते नेपाल सरकार अन्तर्गतया संघीय मामिला व सामान्य प्रशासन मन्त्रालय, परराष्ट्र मन्त्रालय, पुरातत्व विभागय् मः काथं ज्या न्ह्याकः ग्वाहालीया निंतिं पौ च्वंगु खः ।

मचाबलय् बियो छ्वइगु ज्या इवः दिकय्ता अन्तरक्रिया

ख्वप नगरपालिका वडा नं. १० या ग्वसालय् मचाबलय् हे बियो छ्वइगु ज्या इवः याकय् मबिय्ता समाज, समूदाय हे हचिलयमः धाय्गु विषयसं अन्तरक्रिया ज्या इवः जुल ।

ज्या इवः सं नेपाल मजदुर किसान पार्टी ख्वप नगर समितिया नायो भाजु नारायण बहादुर दुवाल जुं पुँजीवादी व्यवस्थाय् मिसातय्ता न्ह्यबसा भः पियो न्याय मिय नपां याइगुलिं महिला हिंसा अप्वइगु खाँ काड दिल । वयकलं ख्वप नगरपालिकां ख्वप अस्पताल दय्कगुलिं कोरोना भ्वल्वचं मथिइकः पाडः तय् फःगु खः धायो दिसे उकिं याड उगु ल्वचं अपलं मनूत कालया म्हुतिइ मलागु खाँ न काड दिल ।

अधिवक्ता अनिता जधारी २०७५ साल न्हाप हिंच्यादा व

वनं लिपा नीदा दयानिं जक इहिपा याय् मःगु नेपः या कानुन दय्कगु खाँ ब्याकसे नीदा मखबलय् ब्योहयाड बुम्हा मचाता नागरिकता मबिइगु सामाजिक व कानुनी अधिकार मबिइगु जुयफः । उकी अजगु समस्या वयफः धाय्गु मति तयो जुयमः । मखुसा नेगं पुस्ताता कानुनी कार्वाही जुयफः धायोदिल । थौं कन्हे सामाजिक सञ्जालं याड म्वः मरुगु वा मछालापुसे च्वंगु ज्या इवः त अप्वयो वयो च्वंगु खाँ ब्याक दिल ।

१० वडाया वडाध्यक्ष लक्ष्मी प्रसाद ह्योमिखा जुया सभानायोलय् जूगु उगु ज्या इवःसं वडाया दुजः जितेन्द्र मुनंकःमि, वडाया स्वास्थ्यकःमि रिचा कोजु पिसं न न्वचू तयो द्यगु खः ।

बजार अनुगमन

ख्वप नगरपालिकाया अनुगमन समितिया कजि राजकृष्ण गोरया न्ह्यलुवाय् असार ३० गते लिवालीया खाद्यपसल्य् अनुगमन यागु इलय् अनुज्ञापत्र मकःसिं प्वः चिइगु प्याकेजिड सामान्य लेबल मतः सिं मियो गनां लाहातं थमनं यत्थें च्वयो तःगु व म्याद फूगु सामान जफत याड धु यागु खाँ काड दिल ।

अनुगमनया इवल्य् शर्मिला किराना पसलय् म्याद फूगु सामानत धावत खं नेगू पाकेट, ओरेन्ज जुस छगू बट्टा, ह्यापी घ्यू छगू बट्टा धू यात ।

अथेहे आयन किराना पसः लिवाली खाद्य स्टोर, लवजु किराना पसः नवीन स्टोरय् नं अनुगमन यात । नवीन स्टोरय् म्याद फूगु सामान हरि ओम मस्यौदा १४ गू पाकेट, भिभोर मिक्स भिजिटेबल सुप ५ पाकेट, माल्लज भुजिया छगू पाकेट दिलसा दालमोठ २ पाकेट पशुपती पापड ८ पाकेट छुमा गणेश मसला द्यकगु न्हिल्या मरुगु ४ पाकेट व हलु २ पाकेट धू यात ।

अथेहे आस गोपाल किराना पसलय् थमनं हे लेबल च्वयो तःगु राजमती तू चिकं १ लिटरया हिं छगः, हाप लिटरया हिं छगः मिय मते दक पाड उगु चिकं या प्रोपाइटर हिराकाजी मानन्धर ता सः त सचेत यागु गना सालय् द्यकगु न्हिल्या मरुगुलिं ११ गः धू याड बिल ।

अपलं पसलय् अनुज्ञापत्र मकसीं लेबल मूल्य सूची मतः से न्याय-मियया बिल मछ्यःगु लिं अथे मयाय्ता व सुचुकुचु खय् ध्यानबियता निर्देशन ब्यूगु खाँ वडा निरीक्षक रामकृष्ण प्रजापति ज्यं धायो द्यूगु खः ।

अथेहे असार ३१ गते उगू पुचलं यागु अनुगमनय् छोट

सिसाफुसा पसः नपां जूस पसलय् थी थी बरं व लिचिया जुसत, विस्कट, घृतकुमारी स्वरस स्वंग्बाकस धू यातसा ताराजु नं जफतयाडः स्वन्हुया दुनय् नगरपालिकाय् वयता निर्देश यात ।

अथेहे अनमोल स्टोरय् म्याद फूगु सामानत सुगर फ्री मारी बिस्कट २७ पाकेट, रियो जुसिलो लिचि १६ गः, ब्रिटानियाया डाइजेस्टिभ विस्कट ५ पाकेट, जुजु भुजिया नेगू पाकेट, फेमिली पोष्ट छगू पाकेट, माद एन्जेल १३ पाकेट, क्रिमियाया डाइजेस्टिभ बिस्कट १ पाकेट, स्पाइट ५०० मिलि या नेगः, प्रोमग्रानिट जुस डागः, फाण्टा जम्बो छगः, कोक जम्बो छगः, माक्स प्रोटोन २ बटा नेबिको डाइजेस्टिभ ३ पाकेट, डार्क फान्टासी कफी १ वटा धू याड स्वन्हुया दुनय् नगरपालिकाय् वयता निर्देश यात ।

अथेहे न्यू नः पुखु मिनिस्टोरय् म्याद फूगु सामानत रिच टमाटर सस १ वटा, फाण्टा २५० मि.लि. या खुगः, अनमोल पिजा चिज ४ वटा, बाम्बु स्ट टिप्स ८ गः, सुगर फ्रिमारी विस्कट १२ पाकेट, लोरियल चिकं छगः, मारी ब्रिक फार्म बिस्कट ९ पाकेट, सनविन कनै चिकं ४ वटा, पशुपती पापड २१ पाकेट, उल्ला पिकल अचार ५ वटा जफत याड धू याड बिल ।

अथेहे तः पुखु सेन्टरय् म्याद फूगु सामानत हाप लिटरया कोक फाण्टा स्पाइट स्वंगः स्वंग, हापलिटर ड्यू नेगः, एक लिटरया फाण्टा छगः, ड्यू जम्बो प्यंगः, जम्बो स्पाइट नेगः, जम्बोकोक छगू बट्टा, बोर्नभिटा १ पाकेट, लायम पकल छगः, धू याड बिल । अथेहे स्थाथिरा मार्टय् म्याद फूगु सैजु धौ चिच्यागवगु डागः, तगवगु नेगः, पाप्रिका पापड ९४ गू पाकेट, म्याक कफी छगू पाकेट धू याड बिल ।

जेके किराना पसलय् म्याद फूगु सामान त हाजमोला प्यंग्बट्टा, ग्लुकोज डि छगः, ल्याक्टोजिन नेगू पाकेट, अउगुरा टमाटो सस नेगुबट्टा, अरेन्ज मारमालेड जाम छगूबट्टा, टमाटो चिली सस छगः धू याड बिल ।

अनुज्ञापत्र काय मःगु मूल्य सूची लेबल तयो सामान मियता व पसलय् सूचुकुचुलय् ध्यान बियता निर्देशन बियो दिल । अनुगमन पुचलय् ख्वप नगरपालिका अनुगमन समितिया हरिराम सुवाल, श्यानिटेशन शाखाया व.नि. महानगरीय प्रहरी परिसरया प्रहरी सहायक निरीक्षक नजरमान धलान, हस्तबहादुर सुनुवार, राष्ट्रिय उपभोक्ता मञ्चया मनोज थापा, उद्योग वाणिज्य संघया विश्वराम दुवाल, घरेलु तथा साना उद्योग संघया रुपालक्ष्मी प्रजापति स्वास्थ्य कार्यालय भक्तपुरया देवीका किजु, घरेलु तथा साना उद्योग कार्यालयया सिताराम त्वाय्ना पुं भायो द्यूगु खः ।



प्र.ज.ग कोरियाया महामहिम राजदूत जो योड मान स्वप नगरपालिकाय्
(२०७८ साउन ७ गते)



विश्वकर्मा आगंछें दांथाय् नगरप्रमुख प्रजापतिजु
(२०७८ साउन ३ गते)



प्रजग कोरियाया राजदूत जो योडः मान का.रोहित नपां
(२०७८ साउन ७ गते)



का. रोहित जू नपां वागमती प्रदेशया मुख्य मन्त्री पौडेल
(२०७८ साउन ४ गते)

